

近代中國史料叢刊續編第四十輯
沈雲龍主編

三水梁燕孫(士詒)先生哀輓錄

佚名編

文海出版社

有限公司

印行

三水梁燕孫先生哀輓錄

三水梁燕孫先生遺象



葉恭綽敬題

翳維梁子先民是程經國
之彥命世之英忍辱負重
以俟以評載瞻遺象老
淚先零

燕孫仁弟象贊

如兄唐侶儀題



梁燕孫先先生遺詩

雪鬢磨安午夢殘
山梅岸柳一般看
五千甲外雙孫妮
四十年來舊史官
不炫文章驚海內
祇存顛血灑江干
誰呼群季磨長劍
收注新亭欲據鞍

書示六女兒識

並蘇



此係先嚴將北上時詠懷之作遂成絕筆思定刻謹志

哀

啓

哀
啓

哀啓者！先嚴秉賦素強性情毅栗少承 祖考保三公庭訓爲經世之學以縣學生中式清光緒己丑科鄉試舉人旋于甲午科成進士時值與日本開戰 先嚴上書言事痛陳利害卽爲時人注目乙未年留館授職翰林院編修以時會艱危益講求實學篝燈發篋恆通夕不寐戊戌庚子兩度避地備經盤錯因而幹局益臻闕達聲譽翕然癸卯年清廷開經濟特科廷臣交章論薦及試獲膺首選會西太后誤以先嚴爲梁啓超昆弟忌焉遂不再試出居北洋幕府于新政多所贊益小站新軍編制及操典多出手編既唐公少川使印度議約邀爲參贊與張丈總伯何丈蔚高殫心佐理所建議多爲清廷所格遂隨唐公歸唐公督辦各鐵路繼長郵傳皆倚先嚴如左右手光緒三十三年先後爲岑雲階陳雨蒼兩公推重任郵部丞參專主鐵路事復以其時外交棘手 先嚴並參外部機要蓋袁項城以 先嚴辦日俄戰時中立要務饒有機智故傾心倚任之也其成績之犖犖大者如收贖京漢鐵路（今稱平漢）完成美退庚子賠款皆彰彰在人耳目獨撤退北京使館界各國駐兵

一事以政局變遷致成泡影知者惜焉始各國根據辛丑和約駐兵北平使館界爲國之大辱先嚴承當道旨積極準備磋商經年各國咸允願撤兵由我國派警接管已定期矣以樞部易人遂中止餘歷至今世遂罕知此事之經過者先嚴亦從不以語人僅葉文玉甫知其梗概而已先嚴之深沈負重多此類也宣統卽位朝政日非某當局迎合朝旨所以齟齬之者甚至先嚴一不與較查辦者習於浮說以爲經手財政累千百萬不能無絲毫出入乃窮日夜鈎冊籍凡三閱月無所獲事卒得白辛亥革命先嚴知清室之不可爲密佐唐公少川並聯合段公芝泉張公金坡運籌南北遂成共和之局當是時文電盈尺皆先嚴手草曾半月不一眠屢入對清隆裕皇太后力陳歸政國民之要先後凡十餘小時其所語爲何先嚴亦從不一述及也及政府北移以先嚴長總統府秘書其時當局銳意圖治而以先嚴縮其樞凡外交財政交通諸大政一取辦于先嚴先嚴亦忘身担任雖叢謗積怨不顧也民元二三年我國內政之差強人意論者咸謂賴先嚴之規畫主

持者爲多顧 先嚴默察國情，知持盈保泰之非易，復以用人時分，吟域行政未上軌道，苦口危言至百十次，而終不見用。遂懷退志，逮籌安議起，而先嚴遂出公府矣。猶憶方事之殷，先嚴曾召季典家叔北上密商脫險之計。語家叔云：籌安事余面諫至十四次，禍必及以偵，遲密布家叔亦計無所出。遂訣南歸。臨別，先嚴猶切囑家叔告先祖，以項城決無稱帝事，慮驚老人也。既籌安事敗，某方以政略故，慙慙當局，以先嚴負其責。先嚴南歸侍養，從不一辯，蓋亦素性然也。既當局審其誣，迭欲引參政事。先嚴以經濟爲國家命脈，願籌畫關稅、金融、幣制、農礦諸端，不肯任官。自是迴翔平津滬港者數年，精力猶極彌滿。先是歐戰突起，先嚴知大勢所趨，主張應助協約國方面。期戰後可藉增高國際地位，解除國際束縛。曾數建大計，其今可宣布者，卽華工赴法參戰一事而已。其時我國尚未對德宣戰，先嚴乃偕諸友組公司，躬與其事。先後赴法工人凡二十五萬人，備經疑謗。然巴黎和會我國所取得權利，卒根於此。此外與各國密議事甚多，惜不盡施行。又實行參戰。

時 先嚴已謝政否則巴黎和約我國所收之效當不止此也民國十年因事北遊時值奉直間暗潮甚烈 先嚴欲出任調解遂爲當局強之組閣 先嚴苦心支柱戰禍卒未能免且以身爲之的速 先嚴下野未幾而賄選遂成其所關固亦匪細矣 先嚴既思深慮遠又聲譽遠播海外頗思與世界朝野名流交換意見以定吾國將來應取方針因于民十一年民十三漫遊歐美日本所至無不倒屣歡迎以國賓禮待如英之魯意佐治麥端奴美之柯立芝法之班樂衛日之松方山縣大隈頭山夫養原敬床次等皆傾襟披豁彼此知無不言於吾國前途關係甚鉅曾擬筆之于書未暇也 先嚴既日以民生爲念知歐戰後世界經濟狀況當大變化我國當此非尋常辦法所能應付遂益研究改進我國經濟狀況之策世人每稱道以往建設成績如創立交通金城各銀行創辦各種公債規定幣制等等 先嚴恆一笑置之謂此何足道今後當益務其大者遠者然歷次政府所定幣制及公債條例暨關稅會議大綱皆不越 先嚴所擬範圍其所創各銀行及銀行公會迄今猶爲金融界

之重鎮與鈐轄事實所在不得而沒也。又先嚴任事時所設施如完成京張鐵路收管商辦電報改訂滬甯管理權限減免機製土貨稅則國茶出洋稅則及整理廣東紙幣發行救濟絲業借款等皆于國權民生關係甚鉅論者至今稱之。先嚴既飽經憂患遂不復言仕進惟日以討論經濟前途爲事多與專門學者及經驗家攻究各種問題每發一言宿學歎爲不及曾云民元與孫總理傾談國事凡十三次每次至三四小時其後總理所著各計畫中多採用先嚴主張惜總理已逝無從再爲商榷也時先祖年高先嚴日以奉侍爲樂又夙與季典家叔友于最篤不孝等復多已婚嫁家庭團聚顧而樂之十八年先祖捐館先嚴哀毀殊常臥病數旬精力頓減復時患風濕等疾足部運轉不靈延醫診治亦卽旋愈不孝等以先嚴體素強健遂未十分注意而不知先嚴積年肩任勞怨鬱積菀結心臟久已受傷徒以自恃堅牢又素不信醫藥遂致病益深痼不孝等侍奉無狀不能先意承志密爲調護致有四月九日之變哀哉先是前歲九一八事起先嚴居港卽憂

灼萬分謂患方未已時時繞室傍皇不復能健
先嚴與會 先嚴欣然就道冀與黨國先進乃
一二八變生 先嚴憂甚身體卽感不適猶日
鄧瑞人諸君至旅邸授以機宜及睹事無可爲
會不復如前遇事時作悲觀恆語不孝等云越
觀望成敗而又急功近利恐大患尚不止于亡
國舊說祿足代耕其義甚精又云人爲毀譽得
譽聽之他人是非決之一己譬如人言余擁資
自立而已又年來稍暇頗擬輯綴平生事跡重
先嚴窮思累日乃投袂而起欲躬赴戰地艱
抵上海知熱事已不可爲又翌日而承德失復
北上之議而病發矣病之始也覺胸腹不舒執

西醫者診治經一來復熱終不減且虛汗淋漓呃逆時作精神萎弱又暴下血及凝結流質甚多不得已延陸仲安醫生診治一診卽斷爲危險重用鼈甲龜板金釵石斛諸品而汗終不止時季典家叔及不孝定前已自港至因于四月一日改入寶隆醫院由德醫柏樂第尼士主治用X光察驗始知心臟之大動脈腫脹爲極險症且肝胃均有重病須先固心臟再及其他三夕咯血二口以體弱不能再用X光察驗遂仍陸續施用強心之劑不料至四月五日晨九時忽然昏厥旋卽咯血約二大碗經醫注射葡萄糖精及強心劑每一小時一次咯血及汗呃均止且自云胸次頗舒不孝等均竊喜以爲可有轉機同時分電不孝定蜀定閩及諸妹自平津港來滬冀博先嚴歡心自是而後脈象逐日稍佳醫斷爲血由胃上部出非大動脈破裂險境已過將從事心部治療惟血壓日低肌肉銷萎不孝等心竊憂之七夕睡不安八晨脈象見數下午病象稍轉醫言殊有希望不料夜一時忽又昏厥如五日急促醫至注射如前第一針猶覺痛第二針已失知覺呼吸驟停延至一時三十分遂棄不

孝等而長逝不孝定聞九日下午由粵趕至已不及見矣嗚呼痛哉以先嚴體質之強親友咸謂必登上壽卽先嚴亦時謂當爲國家社會服務至八表方休孰料臥病兩旬遂離塵世平生懷抱未展百一此不孝等所椎心泣血百身難贖者也先嚴平生慕李文饒張太岳之爲人故處事剛果而綜理絲密當其一往絕不以榮辱禍福介懷故名滿天下而謗亦隨之性坦易不立城府爲人謀款洽周至其方之欺受而不悔雖出身翰苑湛深文學而不喜著述晚年乃偶爲小詩此次將北行曾詠一律乃絕筆也不孝等秉質鶩庸又遊學任職不恆侍膝下故先嚴言行多聞見聞皆由昏迷粗述梗概語無倫次伏乞

矜鑒

棘人梁

定聞

泣述

附錄 先嚴最近遺作

將北行感詠

雪鬢摩挲午夢殘山梅岸柳一般看五千里外雙孫妮
四十年前舊史官
不炫文章驚海內祇餘顛血灑江干誰呼羣季磨長劍遠眺新亭欲據鞍

三水梁燕孫先生哀輓錄


一 祭文

二 詩詞

三 輓聯

祭文詩詞輓聯均以收到先後爲次序

祭文



祭文

前國務院同人祭文（集文選句）

維中華民國二十二年四月二十四日前國務院同人黃炎培葉恭綽鄭洪年錢永銘盧學溥張名振劉展超蘇應銓梁汝成岑學呂孫鍾英何伯述梁思補樊守執張世經李徵等謹致祭於

前國務總理三水梁公之靈曰嗚呼降神惟嶽妙簡邦良設官建輔相爾南陽式贊權衡國之憲章秉機省閏思蕃彌長欽若元輔用行舍藏登嶽均厚觀海齊量勞謙靡已致命知方神謀不忒勳則以彰克寧禍亂負雪懷霜弼諧允正遺烈鏘洋纂戎洪緒電發雲翔具瞻之範台衡之望太上立德其次立功周賴尚父作弼參戎殷憑太阿履道是鍾成熙庶績爰建時雍喆人是恃萬里折衝振冠南嶽表裏融通資度廣大器量深弘教敦不肅德務中庸熙隆奕葉載揚休風選賢與能匪惠維恭大猷允迪俊乂寬冲臬鸞不接薰蕕不同嗚呼五曜入房三仁去國有除有布載鼎載革

景燭雲火風馳羽檄積險重山流迅川既鍛羽高雲摧翮風穴清澶北指峽武西接
空桑弘川歷陽魚鼈虎嘯風馳星流電激難此阻艱算無遺策沙場一候炎區九譯
智効惟穆盡規戮力丐其餘論攀其鱗翼入侍帷幄跨騰風雲子囊佐楚策名委身
史魚諫衛清風載興荆寶挺璞春蘭擢莖冠冕當世端流衡平不雕其朴嘉茲寵榮
司文天閭光國垂勳允屬時望政以禮成制勝既遠樹之風聲春風等潤秋月齊明
珪璋挺曜和順內凝功成弗有淵哉若人海岱茫茫江漢滔滔山隈次夕洛川濟朝
西眺城邑東望平臯洪鍾虛受就遠因高幽谷無私靡幽不喬政非一軌景雲登超
俗尚五方區宇亮象來無不應禮樂翔翱有誓斯至明達傑操舉不失德賞不失勞
鈎深探頤雋聲清勁功讓其力貞茂蘭椒海煮爲鹽山採鑄錢再熟之稻八蠶之絲
丹桂灌叢洪桃屈盤珊瑚幽茂盪刷漪瀾珍怪麗奇雷并電淵拓土畫疆卓犖并兼
納漢吞江胡可勝原臯澤布護山嶽資綠瑤壘鱗接輪囷蚪蟠鱗甲之集開瀆涌川
瓊異所叢迢遞曠瞻華繁玉振材技廣宣崇基巖巖長瀾瀾瀾九峻巖嶒瀾瀾漑終始

跨躡捷舛枕翰交趾玩則論舞奮則實旅邛竹夏邑區外結志藹醬番禺作程爲士
魚頰之旃馴駁之駟賈貿埽驚的樂江靡蛤蚌珠胎異物奇詭賄貨山積興山黃止
文陞升降魏闕遙迤疇昔之游中必決眦辰象秀德河嶽上靈屈己弘化風動神行
國悲罕逝貢喜王登好賢鄭莊愛客田文軒冕相襲衣裳合雲堂若闕里版登龍門
英俊奇響青紫明經孚以誠德和順內凝任重推轂冬日之溫海內髦俊登朝濯纓
雲霞沃盥巖谷共清晨烟暮藹春煦秋陰會遭陽九天下鼎沸翦滅鯨鯢晏清軌躅
民患干戈馬虞晨服澆薄之倫馳驚之俗偵諜東窺駝馬南牧杖策燕趙千金比屋
席卷秦代萬家雲物南荆跋扈東陵巨猾迅若波瀾不追騏驎扼腕盱衡蹈其間闕
烽鼓相望伺我邊隙剪沸長鳴龍興雲屬嗚呼芳流歇絕梁木實摧如何斯人與世
長乖霆駭風徂涕泣如頽倒懸之急累卵之危天不憖遺哭巷號街東粵瞑目洛浦
歸骸同塵往世行雲徘徊晏平行哭昌園涕揮嗚悲白驥靈輻執迴洪涯遐迹幽關
洞開旦暮千載映世清暉敬羞野奠遐邇同哀嗚呼 尚饗

開稅會議
稅務處 同人公祭文

維中華民國二十有二年四月丁酉朔越二十有五日

開稅會議
稅務處

同人王正廷李思浩

章士釗葉恭綽楊永泰黃郛張恩鎰張名振梁汝成曾鎔浦揚其觀劉展超等
謹以庶羞清酌致祭於

前國務總理梁公之靈曰嗚呼夫變有曠百世而未有者蓋莫烈於今日人有千載
而獨出者奈何賣志而忽焉以沒惟公明達之姿強毅之質爲詞林之冠冕具經
國之宏識值甲午之寇氛初上書以自試迄戊庚之變故經盤錯而益肆舉特科而
不赴居北洋之幕府既規模之手創復贊襄於尊俎速郵傳之設部執軌轍爲樞紐
叢詬謗以鈎稽乃事明而疑剖惟共和之首創佐唐公以定計長內史於白宮實總
攬夫大計迄籌安之議起嘗格諫以審度既事敗而謗集乃特立而不顧惟
先生之絕識以經濟爲國脈倡關稅之自主與幣制之改革偉畫紛其萬端實高瞻

而遠矚溥利澤於元元期以解斯世之桎梏忽島夷之寇邊國土慨其日蹙赴國難而北來傷劫友之飛落望新亭而據鞍餘老懷之悲吃乘軺虬以上征知隱憂之猶大概哲人之云徂夫維濟世顛隕謹陳詞以告哀咸涕下而如瀟 尚饗

前交通部同人公祭文

維中華民國二十二年四月廿九日前交通部同人葉恭綽鄭洪年黃贊熙任傳榜楊其觀陳天驥劉展超陳福頤關漢光孫熙文劉康成胡初泰沈亮俞裁嚴善坊李承翼張恩鏗莊智煥何志航薩福楙朱庭祺區宗洛胡鴻猷鍾鈺樊守執鍾偉成馮執中鍾文耀何伯述等謹具清酌庶羞之儀致祭於

前國務總理三水梁公之靈曰維星降精維嶽效靈卓哉 梁公命世之英早登甲第晚佐阿衡文章經濟物望同傾共和翊贊爲國千城維新景命世莫與京湖 公篤生東關人傑幼挺瑰奇矢身稷契召試特科巍然首列壯遊歐美慷慨擊楫抵掌

登壇投袂應節開闢交通主張貫澈國家命脈財政爲先金融外溢其流涓涓稅掾
客卿喪失主權 公起抗議全力斡旋公理戰勝從事獨賢利國福民厥功偉焉稅
務初興楚材晉用建議設學儲材首重道在養成取求足供權自我操遏其鞿縱強
鄰帖耳聲色不動外庫常充大邦是控 公持大計建國之初遺艱投大前席陳謨
通郵築路脈絡灌輸整理財政國用以舒功成身退歸臥故廬救國愛民夙秉至性
外難未紓殷憂成病天不憖遺考終正命高明有融毀譽不競國有元良蓋棺論定
天道難知千秋一暝嗚呼 尚饗

前財政部同人公祭文

維民國二十有二年四月丁酉朔越十有九日前財政部屬官李思浩張壽鏞姚煜
秦心鏞嚴璩盧學溥金兆蕃鄭壯陳家棟衛渤金煥章廖康能朱祖銓章保世
金問源谷益鏞玉鏞侯范紹濂陳之碩龐澤恩盛俊梁耀宗朱辛彝楊其觀等

謹以清酌庶羞致祭於

前國務總理三永梁公之靈曰嗚呼我

公鍾靈粵嶠崧嶽降神昂精炳曜鳳采九苞蛇珠四照學有本原治崇體要斐英綺
歲平步玉堂識時俊彥責負興亡共和締造佐績匡勳憂深恤緯國固苞桑維新之
始掌領度支經營八表剖析羣疑六轡在御百僚是師經邦定計燭照如著公債發
行惟公創議採自歐邦實爲良制酌劑盈虛昭示信義國本以寧民生攸利改良
幣制碩畫精詳三品作貢九府所藏洪鑄躍冶朱提耀光流行陬澁便利市場折衝
邦交端資毅力富公遠謀外彝動色四政交通風同道一經緯萬端夷險一節枚卜
金甌總持百揆幹旋乾坤懋熙庶績考察金融遠渡歐美捨短挈長前車是軌橫流
方急砥柱不移滄江歸隱韜晦待時新亭雪涕舉目生悲老成憂國鬢髮如絲東邦
批釁國難正殷祖生擊楫誓掃胡氛投憤奮起中心如焚綢繆鴛室寢饋難寧甫蒞
滬江憂憤成疾失土頻聞肝腸寸裂滿腹經綸一腔熱血膏志長終台星遽滅哲人

祭

文

其萎天不憖遺人亡邦瘁萬姓涕洟矧在舊屬瞻戀無期靈旗陟降髮鬃來茲嗚呼
哀哉 尚饗

鐵道部
交通部 同人公祭文

維中華民國二十二年四月二十三日

鐵道部
交通部

同人章以穀汪志銳陳文中丁淇俞

拔夏光宇譚耀宗林實鍾鐸黃閔道譚耀茲黃乃樞陳作余埤黃振聲徐炳祥

趙啓華張心激華蔭薇張競立吳孟節關均笙朱兆奎盧樹森冒景璋徐承然

俞梧生冒景瑄陳福成張鵬翎汪文璣歐陽悅錢宗淵顏德慶張祖訓李法端

劉景山沈士淳蔭福均孫百英陳延炯詹文忠顧宗林孫謀陸紹鄂楊光芬趙

尊嶽揚志章康誥廖廉能周亮才周繼堯唐官贊關慶麟等謹以清酌庶羞敬

祭於三水

梁總理燕孫先生之靈白於鑠我公國家攸毗國推貞幹家賴羽儀學富多文絲緗

盈軸計偕春明麟鳳爭觀荀管選言賈董射策藝苑蜚聲寸穎露茁公行其緒再冠
偶曹銀河濯錦瑤臺鳴蕭任隆策名榮高秘史佩以韋絃雍容貂珥網維利弊曠
靡餘九州爲廣益地開圖南北閭閻山河軌躅晨聽鷄鳴塵甬驥足時丁不偶躬厄
陽九國網絕維朝樞解紐公獨慨然翊光大業默運潛移偉績斯烈人心歸漢華
夏克明惟公建議實啓先聲綜合生平官書具載何越不權何菁不采選研計范
億幹罔逾坐言起行疇弗仰諸文章海內顏血江干何期詩讖遽馭青鸞果證丹丘
神遊度索大鳥朝揚崇碑鐫郭同人絮酒爰擣蕪辭湛醕申椒
靈其鑒之於戲尚饗

鐵道部次長兼隴海北甯鐵路局長錢宗澤等公祭文

維中華民國二十二年四月二十三日鐵道部次長兼領隴海北甯鐵路管理局局
長錢宗澤津浦鐵路管理委員會委員長邱煒平漢鐵路管理委員會委員長

何競武平綏鐵路管理局局長湯國楨正太鐵路管理局局長王懋功率北甯平漢津浦平綏隴海正太各鐵路職員謹以香楮酒醴庶饜之儀致祭於

梁燕孫先生之靈曰 繫維先生南粵之英幼通上第珥筆西清文書詔議應命立成進綜郵傳四政始萌勤宣五路建設緯經扶輪納軌莫不中程流通財貨金融是寧便民裕國利用厚生贊又密勿爲國之楨春風煦嫗品物咸亨迨長參院論議是宏金聲玉振四座盡傾名高中外跡遍寰瀛日月所照載頌賢明晚退林野世情莫櫻文傳喜雨詩詠悅晴義分雙困明察兩嬰先生之德以和以平先生之道惟一惟精天胡不憖迺殞大星老成凋謝尚遺典型嘉謀碩畫示我鈞衡願追高躅以踵明誠式瞻遺像以薦芳馨魂歸來兮有肝響聲嗚呼哀哉 尚饗

鐵道部膠濟鐵路委員會公祭文

惟中華民國二十二年夏四月膠濟鐵路管理委員會委員長葛光庭委員陸夢熊

崔士傑彭東原陳延燮謹以香花清酌之儀致祭於

燕孫先生之靈曰嗚呼我

公降嶽生崧敷歷中外震燦事功精研計學調劑金融總攬大計四海從風翊贊共
和恫心內訌時見時隱清明在躬國難日亟憂憤填胸臨病咯血膏志以終哲
人其萎嗚呼我

公敬綴祭詞聊抒哀衷 尚饗

鐵路協會公祭文

維中華民國廿貳年四月三十日鐵路協會葉恭綽梁萼聯孫科莫衡任傳榜游麟
章許傳音黎均童閏鄭寶照吳紹曾汪志銳張恩鎧袁紹昌鍾鐸何維敬余塈
張祖訓梁仲广張德麟樊守執關賡麟何志航邱煒錢宗淵薩福均楊志章鍾
玉源梁寒操鍾文耀陳延炯方仁元許世英薩福懋陳振陳福頤劉士剛胡奐

蕭國英胡憲徽梁玉衡夏壽等謹以庶羞清酌致祭於

梁公燕孫之靈曰江山破碎天地陰霾大星沈曜長城竟摧知己隕涕舉國銜哀椽
崩棟折表此良材維

公早擢巍科夙承家學流涕上書救時先覺范滂登車朱雲折角鵬翼扶搖蛾眉謠
詠不求聞達竟出都門將軍揖客府主紆尊嘉賓入幕長統昌言改絃易轍殫本窮
源縱覽九州采風四裔馳道溝通神京拱衛統一車書研窮會計政必求新事乃克
濟王綱失墜國運迤邐遺名簽謝表日隕虞淵策工籌筆道貴從權不撓羣議力任仔
肩妖讖當塗羣倫勸進帝制自娛謏言不信禍燭幾先咎辭悔吝魚躍重溟鳳翔千
仞財源擘畫海嶠游翱欲尊國體宜定戎韜爲身叢怨爲國宣勞東山再起望重勛
高辭組朝堂遠航瀛海國政勤求邦人禮待接其言論瞻其丰采鏡仰万流盱衡千
載栽培後進孝友家庭澤敷霖雨光燦德星等身著作未竟殺青一生言行尚有典
型國帑空虛百紛待理民業凋殘漏卮宜弭計重交通心勞涂軌國難方殷壯心未

已跳梁醜虜撞壞家居滬江兵燹關塞邱墟投袂急起積憤難舒身騎箕尾魂返太
虛太傅殂年武侯遺像心照汗青功在大壤風馬雲車神其下上桂酒椒漿靈其來
享嗚呼哀哉伏維 尚饗

戚友同人公祭文

維中華民國二十二年四月二十八日朱啓鈞朱慶瀾葉恭綽章士釗張學銘汪有
齡張秦農江天鐸嚴家熾黎照寰張仲平謝作楷李思浩許世英顧鼐劉樑謝
天錫謝會鏘呂道象蔣康侯鍾文雄王景岐李景邁樊守執梁萼聯梁汝成區
宗洛區紹安胡少坡陸興祺林守堅張莆田鄭洪年盧學溥羅明佑方培壽吳
徵何伯述關漢光夏啓瑜游麟章梁棧芳蘇應銓陳福頤周樹福張元濟陸家
嘉吳光新梁鴻志薩福懋嚴直方唐在禮陸仲安任傳榜唐在復黃贊熙任祖
芬熊少豪石祥和梁思補岑學呂賀得霖黃家謙梁浚唐伯承區季獻等謹具

清酌素羞之儀致祭於

三水梁燕孫先生之靈曰嗚呼我

公命世之傑名立謗歸表表風烈百家囊括揮斤一世蠹魚注箋唾猶糠粃甲午師
增上書發憤以速戊庚磨厲益奮特科罷試出佐唐公密策深語傳鑿厥忠九服同
軌偉烈一手縮地鄂燕道復我有與爲折衝陽開陰闔戈撤壁歸樹立卓卓苦心偉
略世則莫知網羅鈎鉅齟之競之共和肇昭旋幹北南萬怪騰躍與爲濡涵既長秘
監資綰政樞善鄰裕國旁通交輸謀斷一身允負允荷謗集怨叢一不意措籌安議
興掀天洪波百靈閃屍叫龜跳鼉橫縱交扇亂領妖耍膽肝剝漚用汝曉曉痛言弗
省事敗歸獄世之遇公吁甚矣酷南歸從容朋婁敵罵公嘿不聲觀者愕詫孤身橫
流何倚何植獨立不懼曰惟吾直何物得喪何物譽毀是非決矣孤往不悔嗟公謀
國尤具特識能統計政民所生息圖法賦制以逮農礦精搖神索是督是董玄論乍
聞宿學歎畏公曰區區是奚足貴鑿毆戰初大勢必變輸工制敵危疑弗憾巴黎尋

盟吾幸有獲嗟公至計百未一策嘗賦遠游踔躐九州倒屣歡迎名王大酋執手傾
臆表表洞澈窮睇神臯望氣猶墨處堂之嬉同室之門迫矣庸氣禍發維救披老同
服旁皇繞室雪鬢摩挲海濤盪激劫灰飛落於淞之濱載憤載歸嘗臥膽薪虜乘其
驕奔噬益急倉皇據鞍劍及屢及羣季歡呼新亭遠眺翼鏢是翁悲歌吃嘯百憂灼
焚心膽裂碎謀施未竟誰挽失墜鈴等不才卅年投分或共籌策或承教訓故舊之
交家國之難期公談笑手勸禍亂難之方滋推我哲匠豈曰人亡實悲道喪九天沉
冥嗟公何歸遺烈猶在孰發其微有聲傲天有弟如瀉文以告哀不在蓮華 尚饗

交通銀行同人公祭文

維中華民國二十二年四月三十日交通銀行董事監察人于寶軒許修直葉崇勛
賈士毅胡筠唐壽民錢永銘胡祖同陳行張壽鏞李承翼秦潤卿周作民李銘
王承祖陳光甫葉薰楊德森張嘉璈暨全體同人等謹具清酌庶羞致奠於

國務總理三水梁公燕孫之靈曰

吁嗟噫噫梁公其類胡天不弔而黃髮悲思公降生三水之湄以名太史揚九苞

輝匪惟文章驚倒一時景命維新公實易之炳炳麟麟蕭鄧庶幾國有史官民有

口碑莘莘大者請姑綴辭撫鳳一毛誦公遺徽交子之制翳宋濫觴一束之楮輕於

十囊歐墨冀規是曰銀行法密彌美積大乃光吾行肇建陳公雨蒼協力以營四官

六商難於謀始陶猗旁皇公提五路于馮一匡喻金實庫以樹民望投貲如程本立

益強洪憲之萌項城虎虎與公微言公輒左顧相知既深義難坐誤逆時之批

促膝而語言十進四終莫一悟力窮挽瀾乃罷趨府維時吾行國寄以庫橫流之來

不可捍禦惜哉前功委地如土公曰身存終當天補項城既沒行亦飄搖公董

其事徘徊中宵使金流融獻議於朝長期短期有券可操以乙替甲示民堅牢飛錢

復行大信允昭幹旋之功與嶽齊高乃拓乃恢銀流四交自壬徂甲公去衆嘆復

任總持三年有半戊辰之夏哀時講幻爰歸海山娛親憂亂公所擘畫梁若星貫前

規後隨授匠以墁 公所裁成期爲楨幹磨礪拂拭光彩斯煥惟真精神永凝不散
譬彼天船耿耿橫漢魯難未已籌策待紆諮及元老造飛鶴書 公多密陳涕淚與
俱長城載壞乃若潰疽求言孔殷 公遂南居廣坐高談雜以款歎孤憤成疾歐血
滿盂千秋一息溘然云徂嗚呼哀哉言 公之才冠冕當代狀 公之量函納衆派
能明以虛亦通而介孰毀孰譽視若蠶芥惟歷諸艱乃成厥大不爲財虜流俗駭怪
蓋棺而後彰其清概白馬素車故交四海 公之遺象挂壁如在 公之嘉言銘座
勿廢高山景行若親馨歎招魂九閻陳饋式拜嗚呼哀哉 尚饗

上海銀行公會祭文

維中華民國二十二年歲次癸酉四月十九日宜祭之辰上海市銀行業同業公會
全體會員中國銀行交通銀行浙江興業銀行浙江實業銀行上海銀行鹽業
銀行中孚銀行四明銀行廣東銀行新華銀行中華銀行金城銀行東萊銀行

祭

文

香港銀行農工銀行中國墾業銀行江蘇銀行中南銀行中國實業銀行東亞
銀行大陸銀行永亨銀行通商銀行華僑銀行國華銀行中興銀行通和銀行
中國國貨銀行聚興誠銀行謹以清酌庶羞致祭於

故國務總理梁公燕孫之靈曰嗚呼天禍中國四海困窮寇氛內熾敵警邊烽國難
如此人心洶洶吾

公再出以身殉忠論 公丰采宛若神龍在昔秉政天下雲從文章泰斗經濟朝宗
吾儕後進備沐薰風嶺南歸隱齒德兼宗萬方多難悲憫從中公曰爲國曷敢自慵
國人仰望尤切初衷東山甫起中道考終天厄我國故先厄 公出師未捷淚灑英
雄人亡國瘁千古悲同 尚饗

北平追悼會同人公祭文

維中華民國二十二年四月二十三日江庸熊希齡朱啓鈴王克敏曹汝霖周作民

任鳳苞方仁元吳鼎昌楊德森何競武錢宗澤關葆麟高恆儒袁同禮冷家驥
徐承煥俞人鳳馮千里王繼曾湯國楨邱煒等謹以清酌庶羞致祭於

梁公燕孫之靈曰嗟四序之遷流兮春與秋其代謝挾道遙以乘化兮夫何事乎悲
咤惟先生之貞毅兮又重之以閔抱棄塵濁而不視兮夫誰挽此未造道淞濱而遭
回兮忽回車於昆侖散精爽之何歸兮吾將叫乎九閭通軌轍於九州兮扶艱難之
天步躬襁褓以啓山林兮來導乎吾先路吾將駕雲車以求索兮駕飛龍之騰騰鼓
颺輪以奔馳兮玄靈歆其上昇日沈沈其將暝兮道荒荒其多阻忽輻脫而轍摧兮
徒瞻望而延佇涉巨川之浩淼兮駕滕艫以通航紛殊方之來會兮接禹功於混茫
吾將方舟於南溟兮百靈紛其閃屍鞭海若而叱天吳兮敬毅魄之何之猶颺忽其
揭天分洪濤俟其滔盪舵折而舳摧兮茫不知乎歸向覽神皋之廣漠兮夢中情之
耿耿揮玄鳥以馳書兮固無間乎川嶺吾將發書於天津兮夕至乎縣圃掬鬱伊而
上訴兮誰忍與此終古兵氣塞乎穹蒼兮莽荆榛兮叢叢掬千哀與萬憾兮安所達

兮幽宮託微波以通詞兮倚芳樹之遙遺陰陽薄其感通兮周時息乎萬里吾將呼
列缺以爲御兮託豐隆以上征窮六合於須臾兮應以達真精誠列缺告余以不勝
兮豐隆聞而罷御虎豹躡乎九關兮指九天而雄語窮睥睨於北關兮與倫方其磨
牙吮人肉而猶視兮植萬骨之如麻試顧瞻於南服兮赤燁怒而騰皎鍊金石而流
膏兮誰爲拯此赤縣夫何生民之多艱兮紛禍亂之交迫天荒荒而將壓兮雲慘慘
而無色信哲人其不萎兮或躓顛之可扶乘虬駟以不返兮嗟七聖之迷途追精魂
而莫由兮莽沉替其誰開禹甸忽其將淪兮飛劫盡之黑灰心鬱鬱以增憂兮魂搖
搖而永歎聊陳詞以告哀兮擊涕洟之如霰 尚饗

天津追悼會同人公祭文

民國二十有二年四月二十九日靳雲鵬龔心湛張作相潘復汪士元吳鼎昌任鳳
苞李宣威董士恩沈化榮卞壽孫潘子欣陶湘許福昞陳亦侯楊德森王鐸基

崔呈璋李鍾楚區紹安蘇恩科張爲章等謹具庶饌清酌遙奠

梁公燕孫總理之靈曰嗚呼頻年閭別恆洄溯夫蒹葭遠道出遊乍勾留于滬濱盍
簪雲集揮塵風生史真翁半采華腴馬伏波精神矍鑠是壽者相維道之由爲仁人
言其利甚溥不意偶嬰小極竟賦大招噩耗驟聞愴懷靡已維公鍾靈三水發軔
千程早擬巍科旋膺重寄公之文章班馬之傳也公之政治召杜之亞也公
之經濟桑孔之匹也公之德行顏閔之徒也才足以匡時學足以應世運用之妙
存乎一心擘畫之周參乎七策斯皆稟鯉庭之嚴訓向鵬路而高翔屬以天地晦盲
河山搖盪狐鳴塞上虎門關中毅然出險濟屯未如人願爭奈六張五角已無官情
迺拂歸鞭以遂初服閒賞林泉風月藉著作以自娛側聞邊鄙豺狼憤憑陵之日甚
爰梯粵嶺弭轡申江爲當軸陳范蠡之謀爲救國標卮稷之宇金甌已缺憂從中來
角枕難安疾由心起都侯在野每念國家宗澤渡河猶呼星斗以故彌留之際端坐
而神志偏清遺囑之傳臨終而公忠倍著廿等久聯綿紆渺隔音塵寒歎浦之潮

聲淒其如訴慕甘泉之畫像惆悵何堪滯跡津沽未克生芻之親束緬懷雲樹聊據
掛劍之深情敬奠椒漿伏維 尚饗

上海廣肇公所同人公祭文

維中華民國二十二年四月二十有八日上海廣肇公所粵僑商業聯合會同人溫
宗堯勞敬修陳煥之譚海秋唐寶書陳伯權李卓英張榮溥周清泉陳炳謙張
葡雲徐峙崧鄧傑卿黃鴻玻等謹以清酌庶饘祭告於

梁公燕孫先生之靈曰繫維先生華胃銀潢肆江秀毓魯殿靈光志薄霄漢品粹珩
璜五經枕藉六籍笙簧蘊科早掇學海騰駿時值甲午釁啓攬槍上書言事名震廟
堂盱衡艱會心切救亡講求實學肆志縑緝幹局益遠聲譽更揚嘗主路政成績昭
彰復善外交主權克張共和贊助功業彪敷主參歐戰國勢增強改進經濟策畫周
詳對外貿易裕民利商閱模閱澤服膺弗忘先生器量尤異尋常是非決已毀譽何

妨非工不食訓著義方言行足式內外皆感近遭國難敵敵披猖新亭周顛籌救心
長懷策未展二豎竟殃意謂小極轉瞬告康何期厥疾竟入膏肓河魚成恙又告注
宜嘔心李賀年竟不昌天胡不慙喪我元良音容永別賦鵬徒傷悲深井里春不成
相同聲痛哭涕泗沱滂生芻表德奠此椒漿願其修靈來格來嘗哀哉 尚饗

上海洋莊茶業同業公會祭文

惟中華民國二十二年四月二十六日上海洋莊茶業公會同人陳秉文孫子弟朱

葆元陳兆燾洪孟盤卓華譜胡德馨鄭鑑源等謹以清酌庶羞敬祭於

前國務總理三水梁公燕孫先生之靈曰

茶爲天產吾國特豐懋遷環海素著雄風晚近不振攬奪牢籠斯業日落益難爲功
累載商艱情態籠東蠅頭薄利稅則重重

公長稅務明鑑儲胸軫恤閭閻調劑通融爲之酌減允執厥中以匡以翼振此疲瘥

我業不展生氣鬱蔥旋遭事變不與俄通禁茶販運厥勢洶洶封鎖門戶害等自攻
誰建此策貽實靡窮騁從過滬滙訴鄙衷乞爲旋幹幸見允從代陳主者昭然發蒙
規復舊業銷運隆隆挽回巨利用裨上供素絲表度 公實雍容靡隱不晰明目達
聰同業遐邇同荷 旃幪祝 公永壽感戴始終胡天不弔降此鞠凶老成望重遽
厄蛇龍墮心隕涕輟相停春 遺德永慕山岳比崇有穀在俎有酒盈鍾竭誠跼奠
庶 鑒微悰嗚呼哀哉 尚饗

廣東旅滬同鄉會同人公祭文

維中華民國二十二年四月二十九日廣東旅滬同鄉會董事唐海安鄭洪年監事

吳紀舜崔通約胡憲微梁汝成梁萼聯揚其觀黃家謙何家相梁象侯等謹以
香花致祭於

燕老鄉先生之靈曰嗚呼惟嶽降神誕生先覺紆紫曳朱早歲超卓朝旨納言時政

揚權中外迴翔聲聞騰蹕交通四政縱橫九州進天下才成第一流司農繼位心苦
慮周布新除舊元老壯獻歐事倉皇征戰慘烈我以積弱相將就列工以代兵海天
浴血仗公良謨皇華抗節公遂初服萬變肆呈九邊烽火寇至東瀛幡然一老星夜
戒程冀挽狂瀾爲救廈傾停驂滬江朋簪偶集奈何一病藥石靡及女星遽隕萬衆
而泣偉略高風徒令欽挹同人等痛懷勳者感念鄉賢欲事尸祝商量遺編公去未
遠悠悠人天哭公哭國不禁涕漣 尚饗

上海

江浙皖絲繭業公會
絲麻同業公會

公祭文

維中華民國二十二年四月二十有七日宜祭之辰江浙皖絲繭總公所委員會上
海市絲麻業同業公會委員會朱頤壽沈世儀沈鏞王孝賚吳申伯史馨生黃
錦帆孫榮昌蔣萊仙程炳若杜鳳標陳燮坤朱竹賢華少純陳瀨泉湯也欽吳
汀鶯張佩紳張韻笙毛軼羣許韻江陳明善湯秉乾等謹以清酌庶羞敢昭告

祭

文

十三

於

燕孫梁公之靈曰惟

公望隆山嶽澤被海疆遭世多故力振綱常勝朝柱石政賴以匡民國肇興迭任贊
襄前掌度支培植工商民七之季絲業垂亡慨施救濟得履康莊雨露所及民何能
忘於今多難國勢岌岌塘內憂弗已外患方長欲挽狂瀾謀國在臧何圖星隕喪我元
良撫今追昔曷勝滄桑悲老成之凋謝輒涕泗而徬徨銜哀陳詞用獻椒漿嗚呼哀
哉伏惟 尚饗

廣州追悼會同人公祭文

惟中華民國二十有二年六月廿五日唐紹儀李宗仁桂站江孔殷鄒敏初區濂梁
冠澄徐夔颺王季子胡頌棠鄧瑞人何春帆鏡樹芬梁致廣岑學呂李祿超林
逸民梁萼聯蔡昌黃光林梓浩陳佐璇陳善明廖重行等謹以清酌庶羞致祭

於

梁君燕孫之靈曰嗚呼梁君生而岐嶷蚤擢詞曹特科對策首壓羣豪中更事變析
津是徂入參戎幕編譯勤勞兵書既成侷於六韜隨使西域參贊功高入綰鐵路益
勵清操收贖平漢毅力不撓外人心折如飲醇醪泊乎改革贊翊備至赫赫中華克
奠國勢民二粵吏濫行幣制粵人蒙害金融停滯請撥鉅款收回陳幣雖是國帑粵
民是惠粵靖國靖能識大體吾粵水患患河不治治河委員乘時將事君督稅務撥
款接濟百萬之巨河工充備治河至今粵人受賜君長參議副選議起君持反對選
位以避君任總揆澄清有志調和南北冀安重器豈知因是觸忌高位挑撥離間奉
直戰熾鴻鵠遠舉賄選得意國政益紊斯民顛顛原君之志志在救民君謂作事毀
譽不論唯其無私乃歸於仁土貨免稅以工救民關稅會議以賦救民財政善後以
權救民華北賑災以施救民因民所利而利之又何毀譽之足云東省事起君處海
濱聞變憤發大義欲伸榆關既陷國難益焚投袂而起疾趨滬津熱河聞變憂心如

祭

文

十四

焚嘔血大呼竟殞其身舉國輟音老淚酸辛嗚呼哀哉 尚饗

香港追悼會同人公祭文

維中華民國二十有二年七月二日周壽臣羅旭和曹善允周俊年賴際熙區大典
周東生區大原郭幼庭郭少流傅翼鵬李煜堂杜四端李右泉何甘棠羅文錦
王德光李亦梅黃廣田李冠春黃耀東譚煥堂潘曉初李葆葵羅長榮鄧肇鏗
梁弼子唐溢川周始南郭靖堂黃潤棠陳少霞江貽孫江筱侶莫幹生岑伯銘
李樹芬郭泉黃炳耀譚雅士謝家寶李海東羅雪蘭李佐臣陳廉伯蘇子衡鄧
倬雲宗鏡波王頌獻吳又齡植康蘭林正煊黎廷桂周懷春錢叔初錢鏡文錢
照庸韓賓禮林威臣麥廣等謹以清酌庶羞致祭於
梁君燕孫之靈曰嗚呼梁君少年詞館不炫清吟潛心時務載籍湛深曾試特科一
振其音編譯兵書垂範至今置身政治如御六轡銀行鐵路交收其利金融調劑路

政修備天下知名蔚爲國器泊乎改革贊翊有加南北和議協定無嘩調停提挈贊
協功奢費盡苦心還我漢家遞長參議主持正義副選議起飄然引避及總百揆勵
精圖治聯絡南北統一茲事設施方殷扼於高位蕭然遠舉賄選迺肆國有土貨免
稅招徠國有旱饑華北賑災粵有水患治河會開粵有廢幣國幣收回兩撥鉅款嶺
海春來愛國愛鄉端賴奇材東省難作邊烽日熾詩賦同仇傳言國恥城下之盟國
人致死不抵不抗其說何至自茲廢經大義久墜君明此義憤發攘臂遂動哀吟高
呼羣孛泣罷新亭投袂而起直趨滬濱慷慨赴義憂勞致疾耿耿不寐齋志以逝哲
人其萎嗚呼哀哉 尚饗

香港務本堂同人公祭文

維中華民國二十有二年七月十五日務本堂同人黃廣田李佐臣陸興祺王崇王
頌獻溫星拱倪士欽王文甫王茂林劉德譜陳樹銘雷蔭孫馬斗南蔡惠鴻鄒

敏初盧暄仲黃騷簡琴石馮毅庵高寶森施君博羅延年李少彭劉卓彬錢晴峰等謹以清酌庶羞致祭於

梁公燕孫之靈而誄曰嗚呼公何往耶騎箕尾而上升既攀號之莫及惟瞻望而涕零舉世渾濁孰澄之而使清大廈阽危孰扶之而不傾人皆倚公公何棄之如忘情爲天下惜公噫悲來而填膺公之文章夙驚海內公之勳業綏輯中外使竟其用可久可大一臥海濱蟄龍不起偉績豐功戛然中止未盡其才未償其志天下安危繫公隱任鶯飛草長乃賦北征斯人已出薄海歡騰延頸企踵霖雨蒼生何未旬朝遽隕文星傳來噩耗心愴神驚讀公遺詩情現乎詞江干灑血志決心悲豈云惡讖若有先知與公話別在水之湄自茲揮手遂爾長辭文通賦恨東野善鳴哉其哀感用寄哭聲蘭肴一簋絮酒盈觴以摠哀悃以表憂傷滄濱渺渺淞水泱泱魂兮歸來顧予蒸嘗哀哉

尚饗

林旭初

維中華民國二十二年五月 日鄉晚生林旭初以廣西銀行董事職赴邕出席行政會議事畢被梧接奉 梁燕孫先生訃音曷勝悲悼謹以心香一瓣熱血一

腔遙祭於

燕老先生之靈曰翳惟梁公儀表雍容高才碩學儒雅是宗胡天不憇遺一老竟令後死靡適從迢迢三水憑弔遺蹤弔 公稟賦果毅剛強少彘庭訓品學優長蜚聲庠序弱冠舉鄉壯入詞館聲譽昭彰特科獲選惜誤宗邦弔 公蹇運北洋左遷出居幕府勵志彌堅練兵小站操典手編新政贊助稱譽時賢弔 公遭際幸遇唐公任大責重倚畀始終幾隨公使歐美留踪列強敬仰誠信謙恭旋官郵丞鐵道專司外交時棘參贊要機西林倚重項城繼之國債經手信任無私詎料清末政見紛歧宣統繼位被奸齟齬以 公清廉財政統一猶遭查辦窮日鈎冊凡三閱月事終得白民國改元運籌帷幄共和告成調協南北總統推崇秘書負責銳意圖治遠大規

劃籌安事起速謀歸策果得南旋侍奉親側歐戰突興力求改革敦勸華工參戰赴法羣工聽命絕交對德罷戰協約國際位高前疑後謗胥免嗷嘈先知先覺曠世英豪惟公引疾使館駐兵迭謀撤退積極進行何期政變樞部換形經年磋商泡影無成總紀公績舉國美稱收贖鐵道由漢及京關稅幣制執中定評銀行章則釐訂嚴明美退庚款矢志完成弔公暮日憂患飽經宦途遠避山水怡情當道重公勸駕諄諄公乃趁輪再遊歐亞列邦遠聞歡迎公駕興罷言旋名流親迓公念民生補苴漏罅決不任官經濟變化遠大圖謀嚴杜詭詐弔公居處孝事雙親弟恭兄友先正其身子孫賢肖由義居仁奢華屏絕篤守舊倫典型在望垂法里鄰彼蒼者天曷喪斯人弔公交僕語重心長迭蒙啓迪永誌弗忘憶民二十登紀念堂梧地暢敘把盞傳觴酒餘賦別情誼周詳雲嶺蒼蒼鴛水泱泱睽違週年再晤香江港行開幕歡燕南唐何期揖別大雅遽亡展誦哀啓淚灑江干未克躬奠敬辨心香公其有靈來格來嘗

馬應彪

維中華民國二十有二年越五月十有五日 愚弟馬應彪謹以心香一瓣望奠於
燕孫梁先生之靈而誄之曰嗚呼天地不仁上黜下黜喪我良朋何其慘酷雲黯蓬
壺星沉滄瀆念 公生平可爲痛哭當 公少時恬靜好讀旋掇巍科玉堂受祿軫
念時艱其何能淑策上治安朝野注目經濟科闈名膺首錄羅忌宮闈罔寄心腹出
襄幕府典司公牘帷幄運籌軍容整肅迨爲參贊持節天竺樽俎折衝聲蜚大陸
公既言旋羣倫推轂鐵路郵傳駕輕就熟 公之殊勳京漢路贖庚款還還信孚外
服使館撤兵滌斯奇辱功敗垂成苦衷蘊蓄君幼臣奸頻來謗讟冰貯玉壺冊籍可
覆辛亥鼎革清社將屋談動兩宮還政民族樞府北移秘書任復內政外交新猷簇
簇民元二三和調玉燭規畫主持孰貽之福籌安議起心存啓沃諫而不從南歸僕
僕色養庭闈神怡蘭玉迴翔京滬國基穩築歐戰陡興參戰宜速赴法華工爭回地
軸和議雖成民生孔憂救濟金融非 公莫屬漫遊歐美廣交名宿定國方針於茲

是卜樂樞大才高瞻遠矚碩畫宏猷克樹正鵠陡聞國難輕裝晨東奔赴燕雲希挽危局憂憤填膺劇疾是促人之云亡天躋地跼何以奠之生芻一束魂兮歸來鑒我心曲 尚饗

何廷楠

民紀二十二年五月 日何廷楠謹致祭於

燕老親家之靈爲文而告之曰嗚呼山頽梁壞天地悽悲喪我三益後將疇依豈惟私誼攻錯無資念國前途亦痛崩壞溯 公平生百夫之特少掇甲科木天矯翼應詔陳言如矢之直簡在帝心將資贊翊顏標錯認樞府冬烘疑彼朋黨蛇影杯弓方鑿員柶齟齬不容干莫斂韞莫試其鋒天啓其機鼎新革故 公起乘時揚鑣當路左右中樞仔肩國務宏濟艱虞大猷新布交鄰棹閩尊俎折衝擘畫梯航以濟不通內利民用外固四封雲狗瞬變一簣虧功老驥伏櫪不忘千里志士莫年壯心何已


聒耳蠲塘隱憂國是牖戶綢繆屢思借箸內憂弗靖外侮遂生金甌北缺雲擾戎兵
公起徬徨舞劍鷄鳴奔走重繭圖補天傾秦豈無人奈謀不用日憂百里疾首銜
痛舌敝唇焦肉食新夢憂憤成病遽摧隆棟茫茫黃浦大星光沈遙傳電耗南海靈
陰國壞長城我感人琴鍾期已矣誰乎知音同志爲朋夙共琢磨因交而親松施萬
籬我慚散材甘伏山阿怵目滔滔孰挽逝波惟公擊楫不計磨言魯連仗義誰是
平原猶憶去歲貽書慰存語長心重熱血薄噴公志不行益艱國步寇日深矣一
再貽誤想易簧時河猶呼渡匈奴未滅九京含怒公今駢其我懷舊情馨歎猶在
使我茕茕況時春莫花落鷓鴣鳴魂兮歸來言鑒微誠尚饗

歲居作噩月旅姑洗前國務總理梁公卒於滄晚生伍義余同仁張子沂黃其勳余
佩弦陳寶微馬錫饒陳汝晃等爲文祭之曰嗚呼大於濟民者達節底績深於
籌國者就功靡象故至味不求適于凡口妙音無待悅于庸耳公嘗自言毀譽

聽之他人是非決之一己其貞于心而不爲時累可知矣爰獻弔曰

英英我公文采喬皇書陳兵事才越智囊翔珮上京依幕北洋歷職要路克著休光
茫茫踳躅生民多艱遜位歸政實仗敢言共和啓基造設殷繁握綰其樞審步還寬
蒼黃翻覆迅若波瀾棲遲樂土敝屣高官周鄭交惡思釋其紛彊起入閭非有希欣
明知罔濟聊盡厥心踰崑越海所至傾襟博訪外政致用倦心亦既十稔名蜚身沈
齎爾爲讎赫然投袂停驂歌滿遠疾奄逝如何昊穹仁焉不遂黔黎曷仰邦國殄瘁
鴻翰永懷願望增欷

詩
詞



挽詩

廖康能

燕公總揆殷心國是綢繆補苴夙具風雨同舟之誼滄桑人事時有契聞茲復
數載離索矣癸酉春日來自嶺表方幸班荆有舊雨話重聯淚灑新亭藉澆磊
砢詎以憂時致疾日益彌留瀕危嘔血遽慨永逝憶山頽木壞昔人所以謳薤
露也猶憶公詠懷詩曾有血灑江千之語今則儼然成讖矣不才早幸織荆
追懷艱鉅得毋切人亡邦瘁之思獨惜錯節盤根艱難宏濟老成謀國未可與
天意爭成敗也雅道非長不能盡宇宙勳名之萬一然而生死交情悲感何極
勉步原韻以當挽歌神其鑒之

旗亭歌醉黯消殘花落江南那更看別後滄桑重作客間中風月久無官和羹事業
驚盤錯作繭心情戀莫干絕塞烽煙空熱血劇憐白髮擁征鞍

遠寺花之夢又殘燕京雲物怕回看無衣肯負同仇侶宰肉先羞伴食官重開旗鼓
河山壯朗應星辰氣象千老去英雄原磊落空懷易水計鞭鞍

詩

詞

戰陣縱橫局未殘江山依舊弈枰看尚書今已輕多士周禮誰還究六官信有梯航
稽禹會更無階羽踵虞千飄蕭幾輩稱矍鑠借箸端聞切據鞍

落落風塵失妙殘當年相業孰先看桀材早認無雙士制草專誇第一官借酒爭澆
胸魄礪挽歌惟有淚闌干離騷醉讀人琴慟不那春愁滿壓鞍

附註熱血爲近代名詞韻語無所出古學家所不採且爲原稿熱淚二字之訛公原唱以語血成識而和作多至四字
初不著一血字在公一片血忱尚未顯然揭示故臨池之際信筆直書若對神明有似使之者然意者文情之至足以
破風雨而泣鬼神滄草成吟自份未能免俗然而悲感潛通備亦 公所取契者乎雖然亦異矣又作爾擬縛爾熱血
仍改熱淚何如

黃炎培

余初未識 先生民十之冬 先生東國蒞命救余以矢志服役社會謝之其後東國者又以尊命謝如初礪之
誠初非有擇自是訂交江海間率數年一相見余既風塵鞅掌百無一成而 先生憂國憂民竟頃悼落冥以死還海
佛騰家居檢懷思復
以私誌先生之喪哉

卅年抵掌談天下國破春深萬願空前席千言長太息危廷一個有休容學堪經世
才妨命交到忘言淡勝濃不分江湖搖落後一棺和夢入邊烽

祥符新志

英奇落落不留殘，破碎河山直筆看。夢裏花之無舊寺，眼中格外有閒官。南史記宣帝軍不掌文記者謂

之格外官志在項城總統幕府時不辨漢文稿伴公所特許獨慙後死悲華屋，未許偷生去紇干。公決赴熱而歿於滬不於送者若預期焉南月蠻江

三萬里錦城在望不回鞍

貞元朝士半彫殘，誰使推枰袖手看。漫比蘇張為策士，寧教屈宋作衙官。危時譎諫羞臣朔，晚歲論詩憶老干。最是神州沈陸恨，北來猶據伏波鞍。

鄉晚生羅功武

英傑作為殊聖賢，不畏人言不畏天。愛之者半忌，亦半為毀為譽各一偏。仁者見仁智見智，然其所然或不然。公今蓋棺一生已，尚論史筆紛評詮。公亦一時稱巨子，試撫公事為詩編。借之輓公亦論公，聊當野乘書於牋。公起寒微籍三水，我居與公夾江濱。趨庭家學有淵源，薪傳間接九江子。公父保三先生為朱九江先生弟子靈毓西樵山水奇，少擬甲科官國史。嶄然頭角夙崢嶸，迴翔詞館更磨砥。公卿交薦徵特科，對策大廷魁多士。于時黨錮禍方殷，市人曾參涉疑似。杯弓蛇影謗朋興，羣盲爭放無的矢。賈生幾至出

寺

司

二

長沙馬周落魄居幕裏借箸交鄰號智囊
捭闔縱橫振長筭單騎說退回紇兵納幣
力卻契丹使輟磨堅拒尊俎間四面耽耽
息虎視國弱非全不可爲創鉅痛深殷待
理臨朝冲主無伊周親貴滿廷皆窳齒金
水清運遂告終波翻武漢羣雄起龍飛虎
嘯從雲風義旗朝舉四方靡公察天人俱
不歸相持不決殃民耳萬一楚兵屠咸陽
玉石不分付一燬何如還此舊河山視棄
天下猶敝屣揖讓而退何從容庶無軹道
銜璧恥楚弓楚得非篡奪五族一家各安
教宣室召對力陳言寧與譙周勸降比侃
侃果移帝后心各得其所不驚匕中邦既
喜日重明故主亦邀讓德美曲突徙薪無
奇功潛使干戈化筵几別創紀元開新局
專制摧翻解縛束平民政治朝氣新想望
太平睽衆目四鄰愕眙觀新猷咸更態度
講親睦一轉移間弱爲強誰秉國成馨香
祝倘教一心矢奉公毋爲道謀爭室築新
邦勃興反掌易國不自伐疇余毒濟濟羣
龍登舞堂公亦乘時任鈞軸務勤遠略策
梯航萬里縮地通海陸百廢將興制作新
司農仰屋奈憂貧挹彼注茲古有訓瓶罄
何妨乞諸鄰公善爲命鮮敗事汎舟之粟

來西秦子產有辭賴四國季路一諾重千鈞桑孔平準望卻步宜其中外稱財神公
方竭智謀國事千莫出室及鋒試忽焉歛日起浮雲屢舞傲傲狂舉穉牖戶未成風
雨來徒矢澄清慷慨鬱此則綢繆濟巨艱彼惟便佞一人媚蜩蟪沸羹朋黨閔沮授
因遵本初忌扁舟亂次渡狂流深夜臨淵策瞎騎不知天命不可愾公路妄思竊神
器劉歆逢惡工竄經陶穀禪袖中備陳橋將士爭攀龍黃袍加身易漢幟四十八
萬人上書朝野紛紛頌符瑞公初竊比荀文若力排九錫特翹異阿瞞騎虎勢已成
道不相同轉生忌款段去國適海陬養晦家食甘廢棄廿載宦遊違鯉庭解組反便
萊衣戲歐洲龍戰血玄黃腥風慘渡太平洋逐鹿場中爭犄角橫成秦帝從楚王盱
衡大勢難孤立胡爲壁上徒觀望謀約與國賦同仇修我甲兵將偕行又使毫衆往
爲耕遠殖吾民啓夷疆苦戰六年各罷命潛消兵氣息櫓槍壇坫之間反失地諸侯
九合與衣裳始知聯吳拒魏謀雪國積恥揚國光軒軒大波方告息兄弟蕭牆又相
閱元元胥不安厥生如火烈焚水深溺公起思爲魯仲連奔走解紛不煖席止鬪手

詩

詞

三

執駟虞播非攻足繭墨子翟不恤以身當其衝反資口實清君側盡心浮海去宗邦
季札周流聘上國事賢大夫友仁士借觀楚材資矜式鷹隼將期毛羽豐秋高再厲
沖天翼謀終不用可若何過江名士多於鯽零丁洋畔太平山十年卻掃安且閒隱
憂每下新亭淚書空時望薊門關湖濱常見故王驢委心去留息轍環消磨歲月悲
歌裏翩翻裙屐游燕間東鄰遽起肆西封北望遼陽起颶風得寸進尺寇深矣黃浦
戰雲彌遠空孤軍肉搏援已盡南風不競師無功匹夫有責國興亡寧能忽然作替
聾公聞國恤怒衝冠食不甘味寢不安老翁矍鑠思効力新息雄心猶據鞍屨及室
皇絕裾去願駕長車踏賀蘭謀集兩河忠義社率橫磨劍卻契丹其謀始兆侵二豎
殄殲臥病滄江千大星遽隕五丈原風蕭蕭兮吳淞寒易箒猶頻喚渡河形骸委化
心未殫吁嗟公死事亦壞城下爲盟摧膽肝容人軒睡臥榻側黑水白山悲破殘今
割五城後割十此後國步益艱難徒令後死長太息誰復齊城思田單公已返魂名
不朽萬流所瞻若山斗輓公既無束生芻望風遙奠一卮酒

謝祖元

一角棋枰劫未殘那容局外等閒看扶衰北望新遼海老病南來舊漢官從此更多
懷相業平生只少總師千雄心竟負長磨劍上叩天闕跨錦鞍

莊 錄

宣南攬轡賦同庚白髮蕭疎歲月驚三十二年溫舊夢感君道義慰平生
淞濱重聚緣匪淺吾儕相與當黽勉蒼茫風雨憫人琴滿腹哀思無處遣

後學賈士毅

畢生出處繫安危經濟文章宇宙垂壯歲科名原特達老謀國際見風規台衡聯步
八軔穩中外傾心一木支旗鶴相迎胡太急楚天歎逝不勝悲

老成碩彥盡彫零百粵驚看墜德星迹阻雙鳧漸薄宦經傳三鳳憶趨庭東山賭墅
頭初白南郭吹竽眼獨青絕筆猶難忘國是千秋竹帛著芳型

年愚弟區家彬

西北夾江流灣環赴三水嶠嶺蜿蜒隨起伏若驅使山川秀氣鍾誕生梁氏子頭角
少崢嶸鄉黨多驚異壯歲入詞林鵬搏瞻奮翅何期舉特科誤因啓超素憤出佐唐
公始終獲倚畀足跡遍環球幾度隨公使外交守信誠列強咸重器國債經公手毫
釐無所私赫赫錢神號婦孺敬仰之我聞此諺語三十載於茲平生未識荆容貌料
魁奇翳惟民廿載關君自北回約公同遊桂欣然命駕來梧友備歡迎借覽讀書臺
遠眺鴛鴦水徙倚白雲隈冰泉觀勝景鱣池畔徘徊北山有公園登臨實快哉從遊
數十輩僕初覩公而儀表亦猶人聲譽何普遍知公抱負深倉卒難窺見時公患足
疾神志仍強健轉轉汽車行候抵紀念堂耆英咸薈萃脫略形骸忘拂几肆筵席僕
坐侍公旁談次序年齡公長僕歲二撫髭發高論酒餘無顧忌氣概益昂藏語不涉
政治非讀書萬卷曷走路萬里少壯弗克隨相見恨晚矣別離歲兩週郵書接數起
今春猶健全噩耗何傳始聞公爲國忙親赴北平地由港抵滬濱偶爾停棲止天若
眷民生忍令遺老死逾月接訃音不禁老淚泗展讀哀啓文公績咸備記狗尾欲續

貂提筆難憶誌爲文弔我公聞有隲功武既賦步韻詩餘情吟七古戚友集輓章琳
瑯莫紀數僕雖交遊淺一見已如故死生成永訣能無一言吐嗚呼梁先生身沒名
遠傳豈特臻五福子孝孫且賢似踐關君約含笑赴九原故里山川黯事物倏遷移
未克躬唁弔何由表故知不計文工拙聊陳友誼詞言達意未盡步韻更爲詩

燕孫總揆蒞滬未久以病捐館舍讀其遺詩憂國之誠如見謹步元韻成二律

郵呈靈右以誌哀感

于寶軒

寺認花之誤懶殘

公早歲有寺
認花之誤

苑枯榮瘁佛同看軍符舊館推宣武玉步新更見漢官

五路扶輪一車軌九江講座兩階千

先德傳三公師參九江重游
泮水時行太學說經故事

羊曇華屋山邱感淚洒西

州卸客鞍

小住淞濱雪未殘春鏗劫火等閒看

客春公蒞滬屢停滯
故道值一七八之役

鶴歸華表誰留後烏避延秋幾

達官治以經綸成畫餅照人肝膽似吳干東風夢短長城遠溟水滔滔絮撲鞍

傅宗耀

太息梁夫子旂常姓氏香
高風清可挹大樹誰何傷
賈誼憂時淚夷吾治國方
遺詩猶振臂費恨闕堂堂

南海李焱茶

遶東烽火痛連天
祖逖雄心老著鞭
正望長才紓浩劫
每憐中道厄高賢
遠謀祇剩新亭淚
舊誼空餘歇
滿煙回首去春吟
妙句遺詩一讀一淒然

燕老先生聞熱河危急投袂北行詎料天不憖遺中道而沒國難方殷老成凋謝令人於邑回憶去春滄變時曾聆其送客得意之作中有拂拭魯陽戈一句寓意抗日及今再讀遺詩益增感喟用成七律以誌追悼

鎮江後學陳直

宦迹清逾水嶺南
忠孝家蠻夷重司馬
圖殲厄成蛇八座
勛名遠千秋
簡策華鄮侯兼魏丙
比擬或非差

經濟文詞並兼之
迺可傳嘉猷
真彷彿國事並迤邐
謝傳安危繫
維摩疾病煎
揚休

銘景烈太尉鼎宜錫

陳增榮

東藩恣蠶食攘臂人有責惟公老益壯聞訊振勁翮袒裼赴國難安危不暇擇猶憶
分手時旌旗直指北氣概彌六合頭白心愈赤行行未及半地圖忽變色肉食不足
謀憂憤相交逼沙場雖未到此意亦為革哀哉宗留守渡河正易箒

開國建元士雄圖天下開筭路通隧道車書同軌文仁者宅其心計然用如神百年
定大計損益寧辭頻為政四十載憑軾無東鄰歸休曾幾時犬羊嘯成羣坐令廣武
輩徒悲國無人天復奪之去不使康斯民豈惟吾安仰慟哭填郊閭

昔年十八九倚馬累萬言杖策干諸侯謁公新華門一見擬國士超越父母恩解衣
與推食被茲春風溫奄去二十載結客湖湘間文章不經國甲冑不捍患垢面見知
已倍勞溫語存卽今竄海曲白日沈虞淵天人自此隔迸淚不及泉

燕孫先生早年從政偉績豐功耀人耳目近以國難日亟慷慨北行以圖救國

詩

詞

六

竟因勞成疾終於滄濱遺詩見志亦可哀矣因步原韻以誌悼忱

李子平

草長鶯飛花事殘
申江梅柳帶愁看
山梁頽壞思前哲
東北沉淪誤曠官
遼海黃圖歸異國
新亭紅淚濕欄干
有誰磨劍呼羣季
繼志殲仇早跨鞍

余夔賜

兩代叨同榜
因緣香火深
臨風望三水
撫樹淚沾襟
爲國籌經濟
名垂五大洲
遺詩寫懷抱
月旦待千秋

關錦芳

於公健存日恨未親杖履
哲昆與吾弟武備相砥礪
每欲登龍門參商不可企
昔我賦于役值公赴歐美
荏苒十年間荆枝先瘁矣
緣此遂灰心科頭隱村市
維公少壯日唾手擬青紫
南北議和日間關謀國
是勛業管晏傳經綸
蕭曹比一身繫安危
吐握總百揆自公息仔肩
日蹙國百里殃沸聞北魚
駭突遼東豕忍痛思劍屢
扶病策

鞭弭熱血忽噴湧一瞑竟不視兢兢天下才曠世難議擬

林旭初

公昔騎龍憐暴殘蜚聲翰苑等閒看鸞翔歐美思強國鶴舞津平豈在官腹貯經綸
還待關心忘利祿不求干澄清天下空懷志攬轡踟躕獨據鞍

受業何伯述

手造共和廿二秋不忘外患抱先憂金遼無賴頻侵略房杜元勳善斷謀迭報敵氛
憤成疾傷心國難到彌留暮春風雨蕭條夜海內人人哭故侯

英才樂育溯當年鳳院桃花空自妍潞國勳名垂竹帛九江師說紹薪傳交通偉業
籌邊策經濟長才翰苑仙與世相違寧本意人亡國瘁淚漣漣

屬吏呂瑞庭

臥病楚江百感生音書疏隔悵前盟焦桐猶憶叨虛賞白璧何曾掩盛名四海論才
歸大雅一人知己繫中情無端消息來千里爲報駉鸞赴玉京

寺

司

七一

比年宦海嘆沉淪蒼狗白衣變幻頻專嶠才名懷壯志中原喪亂失斯人文章有價
同傾淚魂夢相思最愴神回首燕臺悲馬骨巫咸何處問前因

鞞詞

調寄滿江紅

潤州吳 庠

精氣銷亡驚一病公真不起慘風雨好春垂盡杜鵑聲裏策杖忍聞醫國手看花苦
瀕憂時淚不慙遺一老竟云亡邦之瘁 毀與譽蠅聲比禍與福鴻毛視怪爾曹得
失鷄蟲無已廣武登臨宜引嘆虞淵追逐空齋志作光芒烈士莫年心彌天地其一
神器潛窺笑一例阿瞞新莽勸進表連朝再拜文臣武將此老倔強猶是昔既懸性
命逃馬往記當時一黃抱區區江河障 功不受連城賞罪不辨明珠謗只斯人怨
負蒼生屬望前席費生餘痛哭望門張儉甘鈞黨紆乾坤無地著恩讎英雄量其二
尺地階前曾置我翩翩書記頓銷盡平生恨事一人知己署尾許翻繩準諾批鱗教
畢芻蕘議匪數行黃祖腹中言令公喜 君不見門如市君可識心如水聽鏗金衆

口妄成萋菲覆雨翻雲關世態繫風捕影徒兒戲笑此中空洞物全無容卿輩共三
如此江山得歸去未應非福廿五載安危出處動關朝局公論千秋歸史筆故交四
海知心曲待兒孫祭告九州同長瞑目 招魂些迎神祝千萬語身何贖賸寒漿一
盞香花一掬隔歲書來猶未報傷春詩在悲重讀感私恩頭白秘書郎吞聲哭共四

哀詞

袁 帶


星日之精河嶽之靈大智若默大造無形山頽木壞涕零寢庭宛在者靈光之貌而
不朽者百世之名

王景岐

萬物空枯 潛龍隱處

415

輓 聯



鄭洪年

辛亥蓋籌而不自表洪憲負謗而不自明毀譽胥忘公可謂大
每於論政病其疏狂獨於論交許以道義死生永訣我感其私

葉恭綽

有淚剩傾河堪傷國瘁人亡豈徒爲感恩知己

此心終匪石回憶星移物換忍重論遺大投艱

施肇曾

宦海閱年華溯從詞苑迴翔簪毫紫幘制科徵召獻策彤廷允宜衆望咸孚揆席展
嘉謨名偉功高身遂隱

盟耗人亡國瘁痛難勝

平泉娛歲月回憶都門結契誼篤苔岑混漬班荆感同榆景詎料一旬小別歸途驚

王正廷

負經濟長才至死尚存經國願

聽猶留數語一生自有解人知

胡筠

開國紀元勛，裁辨不計毀譽，馬論待後來百代定評，似水居心，信天日可鑒。
憂時成痼疾，江海沈淪，輿圖瀏覽，勝有限一腔熱血，與山并峙，嗟人傑奈何。

李森茶

拂拭魯陽戈，憶去春晤對高吟，熱血滿腔，吞索虜。
淒迷黃歇浦，痛此日老成凋謝，大家揮淚，哭先生。

盧學溥

知己感平生，亦步亦趨學識，自慚猶未達。

彌留聞末命，爲民爲國毀譽，不較更堪師。

王祖訓

事業勛名自足千古

文章經濟冠絕一時

顧 鼈

卅載長安弈棋家國興亡英雄成敗共我夢黃梁覺後是非傳疑任比漳河塚
二月江南蕭瑟生涯潦草人事滄桑逢君驚白髮別來涕淚感逝恨看元祐碑

張名振

河山間氣所鍾回思錯節盤根數十年艱鉅經綸獨有憂樂先天下
生死交情乃見爭奈榱崩棟折遽一旦漂搖風雨何堪邦國悼人亡

趙鳳昌

平生事業昭青史

一代文章著特科

上海中英公司同人

與列邦聯絡感情君曾愛我
爲中國振興實業今有何人

汪有齡

老成謀國孰與比倫回首十年前曾共調停商統一
毀譽由人誰爲論定抗心千載上祇憑憂樂見生平

廖廉能

風雨破天來那更老成凋謝盡
滄桑驚世變爭禁憂患別離多

顧鼈再輓

這番話舊辱君提起資政院狂言驚座並溯及宣布十九信條生氣猶覺虎虎然還
笑我閱世多艱尚存三寸舌
願君再來拯國莫負百年心

曩歲議和爲我打疊京漢綫就道安車復相約促成辛亥革命吾輩既非鹿鹿者惟

楊廷棟

遨遊東西二萬里

敬歷中外三十年

朱啓鈞

圯上書隆中對都關天下安危客座時聞後死應持千載論

曲江吟新亭哭更傷故人憔悴孤城日落垂老惟餘百事哀

張書年

文章經濟卓絕一時謀國重老成吾人還望東山出

商業森林追隨廿載撫棺空愴切此後難酬北海知

呂道象

籌策濟時艱不禁夢魂馳塞外

賦詩成識語空餘血淚灑江干

孔昭焱

廿年國士感深知今看細草新蒲觸物倍增懷舊意

一代人豪悲永逝正對錢山滕水撫時彌切敬賢思

關崇

玉堂碩望鐵網宏材帷幄憶籌謀利濟蒼生氣蓋風雲垂百世

歌浦招魂漢江設奠旻幃叨蔭庇追思道履恩深雨露感三春

梁汝成

侍湯藥歷旬餘胡入耳驚心報罷平安成永訣

隨蹬鞭垂卅載嘆人亡國瘁燹餘涕淚倍難收

胡憲微

是知己亦是感恩回首舊京塵卅載追隨成夢境

論私交尤論公誼放懷家國事萬方珍瘁慨人亡

關文彬

經濟足匡時方爲世亂才難海上閒雲容再起

林泉資嘯傲詎意春歸人去滿江明月不重來

關文彬

天不憇遺老成凋謝

世方多難梁木傾頽

陳炳謙

理財政共欽老成時雨春風宏利濟

撫頌輒同深悲悼蘊歌蒿曲劇淒涼

何東

富范才略歐韓文章政體翊贊共和身退功成何圖波揚東海鼎沸中原垂老尚奔

挽

聯

四

馳盡瘁盡忠報國無慚史策留書賢宰輔

息立助立德蓋棺定論滄江憑弔哭先生

倚札交情雷陳契合實業同籌建設人存政舉豈意途隕大星音傳噩耗招魂長太

李承翼

愛國之志願不因老而衰後生滋愧

承家有俊彥均爲時所重來日方長

嚴善坊

客歲廣州遊侍坐春風娓娓清談如昨日

橫流滄海急痛摧砥柱滔滔斯世感何窮

唐壽民

竭忠異國若鄭侯之功袖平準書歸去惟求老滄海

揮淚談時正魯難未已抱安攘策病危猶問古長城

胡煥

似江陵起家計在九邊恩怨到頭方論定
記平津待士相剛三月文章知己負公多

梁棧芳

玉堂嘉話早冠同曹國步值艱難嘆滿腹經綸勝有才名驚海內
絕域孤烽猶縈斷夢輪舟共飄泊嗟一時語讖竟成熟血灑江干

陳藝

經濟冠羣倫學畫動關天下計
轍環周四裔梯航同惜哲人萎

李鳳

爲寰球物望所歸猶思中國相司馬
當神州陸沈之際那堪江左失夷吾

五

免

節

木壞山頽胡天不憖遺一老

鳳彥

德隆望重斯人本自有千秋

陳攀

漫天雨霧正迷濛那堪救國聲中喪我元老
大地風雲猶緊急此後斡旋危局更仗何人

李學濂

魯殿聞靈光况當國難深巖滾滾潮流傷浩劫
新亭餘涕淚祇我老成凋謝淒淒風雨哭歸魂

周詰率子

本教詩

東宮傳詔共和首著勳勞一生經國恤民猶聞力疾憂時渡河空抱三呼恨
別墅談棋論世屢聞語妙廿載感恩知己忍親臨歧賜翰讚像長留絕筆題

湖海倦風塵平生邂逅幾知己

倪育萬

江山餘戰伐獨立蒼茫感霸才

崔聘西

天壤故人心關塞縱橫萬里遙情芳草綠

黃希白

史官循吏傳聲名洋溢千秋遺愛峴山青

軍諮吏幹兼備一身贊助共和成再造

黃贊熙

經濟文章不分兩事流傳功德足千秋

神游雲表寧藉世譽當年樞府秉成直以憂勤撻痼疾
血灑江干竟符詩讖異日史官立傳莫將功業掩文章

受業梁萼聯

師事在卅年前感受恩私丈室追隨如子弟
祖餞繞四旬後奔臨哭奠滿天風雨入吳淞

任鳳苞

風義兼師友

交情見死生

曹汝霖

老成安仰還看氣作山河並世幾知交痛逝者行自念也
物論難齊剩有胸吞雲夢橫流見君子舍斯人其誰歸歟

童 翼

名滿天下謗滿天下一片冰心天可表
毀歸後世譽歸後世千秋公論後將明

許脩直

宰天下有大勳勞借箸而籌望重白衣仍作相

對國難惟長太息騎箕竟去力維赤縣更何人

夏啓瑜

昔年游冀北早羨才名記曾月詠霓裳往事成塵空復述

前月到江南尚親談笑倏爾遙翔鶴馭浮生若夢更何言

章仲和

是當代經世者英鴻印雪泥深往日採梅慚負約

際全國空前艱鉅鶴歸華表迅今茲歌薤愴騎箕

李鳳書率子

漢典 賈臣 士森 孫慶曾 慶華 慶錄

任宇宙內事仁聲訖南朔東西勛望越兩朝卽今滄海橫流攬轡何曾忘息壤

從孝友中來大德備位祿名壽殞儀隆萬國此際滄濱長往騎箕尤幸不居夷

輓

聯

蒸孫元老世兄大人總角論文以道義相期許驚聞自港赴滬旋歸道山悲慟莫及唯公立功德言所以勸相國家者當垂不朽推原本始蓋由孝友傳家先師光祿太公之貽謀者大也鳳累代通家知之尤確揮淚和墨并跋斯聯

記蒙特達知歷郵傳路政交通趨侍行將卅載
曾秉鈞衡任綜國計民生吏治勳勞已著千秋

錢 鏞

傅潤璋

廿七年知遇仰承曾記趨侍郵曹自有殊勳震當世
三千里訃音驚至尤佩臨終遺教待扶國難問何人

王延松

有旋乾轉坤之才所存者神所過者化
負遺大投艱之任其生也亦其歿也哀

陳雪佳

傳國史自有千秋絲竹東山獨以蒼生存遠志
歎鄉賢又弱一箇音容何處深爲今世惜良才

岑學呂

老成凋謝吾誰與歸淒絕終期焚筆硯
手造共和身殉國難猶呼羣季執干戈

謝天錫

籌筆裕宏謀生不逢時虛負此房謀社斷
纓冠紆國難歿而猶視恨未聞掃穴犁庭

戴戟

伏櫪萬里心理財甄士推劉晏
擊節五噫句經世紆籌惜伯鸞

浦拯東

半生知遇了無崖岸
稜稜漢水證心期
久別恨難聆面訓
垂老元動忍看河山
破碎江干灑顏血
大招悽絕讀遺篇

黃啓壘

受公拂拭沒齒難忘
湖上侍清遊獨憶溫
言如在耳

為國馳驅鞠躬盡瘁
海堦談藹影空持尺
幅請題眉

高玉珩率子

元標

元澤

元權

時事正蝸蟻方欣買
棹東來參與救國衛
民庶使寇氛早潛息
隆情深感羨豈意騎
箕西去何堪懷人覩
物常教老淚不勝流

吳醒亞

早有聲名動家廓

不忘憂樂到頽齡

郭乃安率子

元瑞

元坤

元鎮

元坤

元壽

元坤

元明

元孫

元勳

元允

元勳

元汾

元勳

元林

用天下財而家不裕負天下謗而名益高八表待經營未補山河心力瘁
交卅餘載重以親嫻別卅餘日竟傷永訣萬流歸寂寞空餘滄海淚痕多

王承組

白頭垂老借箸而籌海上喜來遊入座高談如昨日
青眼相予執鞭亦願塵間忽長謝補天大業更何人

江天鐸

蓋績世同欽雲狗滄桑驚變幻
遺賢天不憖江山文藻並淒涼

盧信

排議贊共和千頃我思黃叔度
挂懷忘寵辱一生君似李文饒

張羣

輓

聯

故事記燕南默歷十年傳令績

中車來海上棲遲匝月竟長歸

十年米市共驅馳一別津門垂莫江關猶聚首

千劫桑滄如夢泡重來歇浦家天風雨獨傷神

薩福楸

功業在天下聲名震外邦惟公孚望五洲方期霖雨宏施再造共和聯南北
是翰苑通才是中流砥柱恨我遙瞻三水詎料大星遽隕萬家齊哭失干城

茶業公會

陳兆妻 朱德元 孫子弟 陳東文
洪孟藍 卓華增 胡德馨 郭繼源

減茶權以恤商艱此德難忘買絲欲續平原像

脫塵纓而歸佛界其神不滅稅駕應從兜率天

桂 堦

桂 堦

五更枕畔四部洲中苦語憶生平
騰水殘山心未了
卅載交親十年契闊舊游記京洛
撫今追昔感無窮

顏福慶

負重深沉以國計民生爲先務
歷贊中樞其功有足述者
處事剛果於榮辱禍福不介懷
名滿天下而謗因亦隨之

許世英

負經濟奇才勛業早爲天下見
聆彌留痛語是非待與後人論

梁天祿

天不慙遺肆水樵山皆色黯

山其頽壞吾宗門誼盡心傷

范其務

曩歲客君家回思朝夕親承國計民生曾奉教

中原壞梁木正值風雲慘淡人亡邦瘁更堪悲

梁思補

三十年提挈恩深傷心血灑江干此後竹林都減色

九萬里幅員日感回顧雲連朔漠從今荆棘少康莊

周樹福

經濟具長才裕國利民須再起

彌留遺數語感時憂世勗前途

李思浩

計畧式謀猷敢訓規隨蕭相業

中原餘戰伐毋忘祭告放翁心

張思鏗

留夢炎以父執下交謀斷從容往古大臣瞻器量
李謫仙爲天傾寄慨行吟顛顛當空白日照精誠

陸興祺

三十載私淑情深猶憶東印西藏南粵北京處處同遊且大計曾聞留得已往典型
鵬運滄溟九萬里

鶴歸華表一千年

四三省與圖色變堪歎白山黑水蒼生赤子玄玄莫挽竟長暝不視記取再來城郭

區宗洛

小子縱無名憑此良心對人未諱交通系

先生真有道饒他誇語舉世終欽經濟才

陸夢熊

八表啓交通全憑識量過人策定終能同軌轍

廿年荷陶鑄數到平生知己感深不獨吐車茵

湯 鉅

以名翰林應經濟科姓誤顏標魁榜翻爲天所忌
造新中國有縱橫策才高梁適劫波忍見陸將沈

章保世

抵掌作天下談憶別新亭餘涕淚

誰肩此砥柱任驚看禹甸遍腥腥

梁寒操

偉略濟時艱裕課早傳劉晏策

耆年憂國難據鞍猶有馬援心

曾廣勳

憂國正艱危憶北望悲吟據鞍欲雪新亭涕

救時曾總按慨東山長往絕筆難忘舊史情

謝祺

如劉子安理財久彰令譽更乘鈞當軸經濟交通謝屐縱還山猶繫蒼生霖雨望
類鄧高密教子各有專長正繩武象賢幹禎家國萊衣忽罷舞愁看黃浦大星沈

汪伯奇
仲章

名滿天下謗亦隨之治國累萬端幹局長才昭舊史
世難方殷哲人先萎摩天傷一快遺詩老淚泣新亭

魏宗瀚

包羅河嶽之才有北海豪情並世羣推大手筆
共罹滄桑之劫傷東山渣逝如公早去卽神仙

段祺瑞

多難更無調鼎手

臨終還抱救民心

王棟

應變濟時留偉績

同仇敵愾感遺詩

何家相

義憤填膺痛暴日蠻橫灑血江干成讖語

勳名蓋世恨擎天柱折傷心國瘁慘無言

羅雲驥

識荆在漢舉雄辯高談猶覺蘭言在耳

勳名齊華嶽風微人往空教蘭菖遺容

曾建榮

謀斷比房杜指揮失蕭曹開濟勳勞弗屑以毀譽求是非自成天下不朽之業

磨劍賦同仇據鞍急國難悲歌慷慨誰與執干戈衛社稷爲繼先生未竟之心

徐又南

負經濟宏才早歲勛名滿天下

創國家大業一生盤錯見心期

甘正志

與文郎早歲相親祝嘏共升堂方羨是翁真矍鑠

歎末俗狂瀾莫挽匡時殷救國那知一老忽淪亡

李葆忠

投老急同仇胡不慙遺灑血江干竟成讖

平生懷大略小施經濟公評當世已無雙

曾仲鳴

擲地起金聲失訝新吟成讖語

輓

聯

籌邊問烽訊自將願血剖孤懷

黃羣

才善理財規畫堪爲舉世法

心殷愛國懷抱傲諸絕筆詩

俞棧

民國失元助天固忌才誰能無慟

英雄造時勢世方多難公曷云亡

陳行

慕張太岳爲人力任艱危稱一代

待胡致堂定論不教恩怨掩千秋

譚耀宗

天不憖遺人亡國瘁

世方多難木壞山頽

交通銀行

上海分行
總區總庫
總儲信部
總辦事處

同人

經濟才長經綸績偉指揮若定失蕭曹豈徒仰銀紫叔興功垂商市
在朝望重在野名高盡瘁鞠躬似諸葛堪淒絕大星夜落潮咽申江

趙啓華

炯炯一心在沈沈二豎嬰哲人其萎吾將安放
幽幽長夜泉戚戚故交淚國家多事公竟何之

許傳音

出處繫安危經濟文章皆卓絕
交通運機智泰山北斗共欽依

章叔淳

治實業與耆老同功偶綜交通亦復蕭曹稱權美

藉虛聲被荊州宏獎再撰杖履何堪梁木痛先類

鄭雲卷

昔日游美州與公傾蓋論文抵掌縱談當世事
春波寒澗瀆際此國家多難傷心遽失濟時材

高拱元

記少年京洛風塵文譙追隨卅載名場真一夢
歎晚歲江關詞賦壯懷激烈七言詩識竟千秋

陳文選 鳳笙 玉璫

九江門誼三水鄉情後學敢云乎私交不只同傾蓋
天與大名人加重謗先生長已矣公論何妨定蓋棺

胡祖同

漢業仰蕭張身歷諸艱龍德能貞甘退隱

海濱吊夷尚望隆大老狼氛未掃永埋憂

梁鴻志

三月領中書劉晏平生暫經國

一詩傳絕筆陸游垂死望興邦

朱汝楨
黃文傑

溯我公生平偉略自有千秋值國難當前待起東山同挽救

數吾鄉耆舊名賢又弱一箇幸典型尚在更教寰海遍哀思

唐啓初

傳說爲列星誰意天不憖遺騎莫遽去

陸機歎川水余亦誼慚未契覽像空悲

賀得霖

利國利民文章驚海內

阮

聯

十五

任勞任怨事業在人間

繆斌

經國宏謀猷繼唐劉晏宋陳恕而後

處事秉剛果在李文饒張太岳之間

黎照寰

弈世經綸爲政每觀天下計

士林模楷遺言深具古人心

王徽煒

事業在人間長憶嘉謀關得失

聖音傳白下頓傷耆宿漸凋零

蔣拱宸

任重繫鈞衡特立獨行如公有幾

舉世夫模楷荆天棘地其誰與歸

游毅

聞鐵軌金融奧妙的是奇才迄今日路紐財樞猶爲我國型範
困得失毀譽糾纏決非豪傑願舉世師公名語力肩大廈跼

廣東旅滬同鄉會董監會

諒可集名不可湮公真健者

生爲民死亦爲國衆其識之

陳其均

負經濟宏才力行在己方期救黨國顛危誰知三水星沈皇天胡不遣一老
綜生平政績毀譽聽人正擬謀外交勝利孰意兩旬病歿英雄自足樹千秋

鍾文廣 文川 文字 文學

富貴壽五福齊全可推當代一人是海國平儀汾陽際遇

十六

車

耳

德言功三者不朽足使大名千古有畢獲事業韓柳文章

錢永銘

功名垂竹帛獨有千秋慨國步艱難此老存亡關大局

杖履憶追隨曾邀重寄慟者賢凋謝一時指導失南針

教士洲

參政雅慕張江陵救弊補偏揮戈常冀能迴日

禦寇差同宗留守據汝磨劍絕筆如聞呼渡河

汪彬

時事不可爲我公海上來遊每向普天發幽憤

人生竟如此小子江干乍別乃從異地哭英靈

徐傳霖

有膽有識有學有才名滿天下謗滿天下

能剛能柔能進能退成也英雄敗也英雄

李聖五

忍謗任勞立功邦國

秉志守毅垂範後昆

姪殿

康

殿

湘

小子愧無才平日相依面命耳提承訓誨

高情深似海一朝永訣山頽木壞鬱悲思

李芳

長德仰虛衷西麓迴車偉論猶繫京國夢

時艱矢共濟東山命駕沉疴未竟擥安功

易培基

蘭鞠委芳華陳和不留增景息

柳梅成絕筆遠猶辰告並嘉傳

羅文幹

是鄉先輩風徽挂冠投紵調鼎同舟鶴化弔淞雲往事傷心嗟國步
具政治家器量負重山移憂深棟折鷓啼聞浚水哀時熱血灑江干

周希文

知遇感平生悲哉木壞山頽問誰繼已逝鍾期善相伯樂
山河嗟破碎說到巢傾卵墜嘔不盡英雄熱血國老丹心

陸孟飛

天下事無不可爲公真健者

世間法寧有是處佛也難言

沈子良

廿年前長交通綜出納冠蓋嘗滿京華近雖息影香江經濟猶懷鄉舉日

兩月內聞東陷止北行憐愴暫留滬濱今竟歸真瀛島烽烟怕見陸沉時

吳宗濂

洞知世變力任時艱感舊應該外交史

憂在民生悲逢國難臨危竟作傷心人

姚昌成

天不憖遺正氣猶存公未死

國喪元老狂瀾待挽屬何人

楊德森

公論待千秋笑半箇謗書伸喙枉勞三尺銳

長眠空萬事痛一篇絕筆酸心只望九州同

任傳榜

壯猷未竟元老先亡盥手讀遺詩骨恨略同陸務觀

公論獨存斯人不朽從頭談偉績他年應比李文鏡

陳鴻銓率男少孫文炳 文恭 文瀾

金臺挾策青眼頻加至契託通家曾有新詩壽吾母

歌浦征塵白衣遽會達人紹明德行看偉業付諸郎

溫宗堯

其大略雄才爲今日所難得

能忍辱負重乃平生之特長

何志航

棟折榱崩一老不遺關國運

道高謗重千秋定論付公評

黃嘉謀

飲食教誨感惠卅年榜標槐間材曾置腹心陪座末

博厚高明稱雄一世國家正多難空餘血淚灑江干

陳福頤

維公具荆國雄才毀譽不關懷載筆長留遺愛在
愧我似玉溪薄植是非均見諒撫棺深感受思多

常耀奎

橫草功名出處無間

射雕身手寵辱不驚

梁敬義

德宇久心傾早從介弟論交曾廁談筵聆塵誨
神州誰力挽可歎國讎思報遠登仙馭駕鸞駟

齊致

員榮期運應半千豈藉文章動遐邇

晚

聯

十九一

李贊皇澤敷八百不緣門戶別恩仇

歐陽榮之率子駒

詞林風月鄉土交游滿目烽烟書郭傳

亂世文章感人道義等身著作在梁園

謝孟博

助績震寰區羣欽經濟才高留有英名傳海內

桑榆娛暮景驚說老成凋空謝餘熱淚灑江干

徐峙崧

病中猶爲國馳驅新息據鞍何意魂歸海角

夢裏頻呼河可渡放翁絕筆定知心繫中原

潘公展

名滿寰區功在方策

經國碩彥命世者英

袁鍾秀

抱經濟宏才竟鐵道秉國鈞豈惟政界尊先進

邁艱難世運折棟樑失砥柱重使金融乏後援

鄭衡借弟禮慶率子

岳先姪
河先直先

湖濫芋京國受知渥荷裁成世變慨滄桑緬企德輝並代猶尊山斗望

憶于役南洋詣候歡承款洽瀕年遠杖履驚聞噩耗遙天彌愴萬離情

舒石父

負絕世之才泡影曇華心摧故國

倚斜陽何計南雲北雁淚盡新亭

史久光

圖始至難世人欲死回首當年從政說公孫應有仲尼哭遺愛

輓

聯

二十

掄才豈易國士無雙知音幾輩陳詞記宣室誰憐賈誼謫長沙

鍾文耀率子

桂丹

桂芳

桂海

昔同議約今更聯姻滄海早曾經壯志銷磨閒處老

內對法家外憂敵國風雲驚變色元勛悽愴難中亡

鄧以桐率男譽偉

少登翰苑位列清班想我公德邁古今忽爾梁木傾頽若將天道推論當享大年娛
晚景

人間

誼屬世交情聯姻好羨哲嗣學通中外正值蘭芽蔚起自卜家聲克振應無遺憾在

鍾偉成

知理周萬物遠懷柔九州功業須當垂永久
公論懸日星知音在霄漢行藏爭不要分明

理學紹朱九江薪傳道德文章不愧讀書真種子

鍾文

江滄

平生慕李文饒規範性情剛果長留模楷在人間

金翼桓

文章經濟負海內外盛名黯然春盡江南祇聽謳歌彌大地

知己感恩極我生平殊遇渺矣雲歸嶺表空攜涕淚洒殘山

李宣龔

本爲政治大家應有史官存直筆

回溯生平功業轉因時會惜人才

游麟章

救國仗老成倭倭方張時局艱危摧柱石

感恩懷舊誼典型遽杳風雲黯淡咽江潮

晚

第

二十一

當代數奇才算真絕倫不露文章已驚世

蓋棺有定論國方多難誰從滄海障橫流

功業在人間易簣猶思報祖國

英靈歸天上蓋棺無媿稱時賢

功在國家經濟繫安危一代獨存先正範

名滿天下榮哀動遐邇千秋猶待史官書

文章經濟名滿寰區憶十餘年託以仁幪培植深恩猶未報

杖履逍遙雅遊泥瀆詎三千里傳來警牒臨終遺囑不勝悲

上海永安公司
永安紡織公司
郭 郭
順 順

李 晉

程世濟

李 銘

林康侯

綜一代羣英天下盛名數三水

慨萬方多難公餘淚灑新亭

錄鹿銓

三水毓奇英文追永叔學富朱公經濟持擅專長克紹宗風冠多士

萬邦仰名世寇筦北門召謳南國長句竟留絕筆豈徒政海失奇才

陳德農

邊歷湖當年曾膺路政屢掌度支早經卓著殊勛今雖謝絕仕途退老猶懷家國難
交遊稱兩代襄隔香江今來滄瀆正擬趨聆桀訓豈料彌留逆旅瞻容空仰斗山尊

梁達

參戰以工國際勛名垂後世

維新應運共和功業足千秋

挽

聯

二十二

交通偉績經濟雄才并世無與抗手
成功不居忍辱負重千秋自有公評

曹銘先

國難方殷公胡遽逝

熊少豪

哲人其萎我欲問天

洪明揚

精研文史利濟民生學博才豐薄海同懷陸內相
調節金融折衝樽俎有功不伐千秋猶惜費長沙

許錫清

一代經綸殘午夢

千秋毀譽待公評

經國謀猷盱海宇

李漱

送春煙雨咽淞潮

上海

廣東華公所
粵僑商業聯合會

遺策待誰籌午夜驚傳跨箕尾

旅魂應有憾烽烟猶未靖遼燕

丁紹

均基

名馳瀛海手奠神州當代數人才
鵬翼搏風莊叟喻
功在車書錄成會計邊關報鷄年
傳警應識謝安亡

費毓楷

經國具天下才同軌萬方運掌虛
車皆若咫
救時失人中傑莫觴一慟傷心者
舊已無多

是政治家是經濟家卽論建國之功功高百辟
具真人相具壽者相竟以憂時而死死亦千秋

黃慕松

顏德慶

柱石壞中原合學問經濟文章道德數者相窺早无餘子
助名震寰宇就參戰贖路退款撤兵諸役而論已足千秋

鄒敏初

君子不以流俗毀譽動其心信史他年垂定論

大德惟知宏濟艱難爲己任中原無復見斯人

王震

攬轡志澄清策略平生關國計

騎鯨歸冥漠是非奕世有公評

鄒汝明 平陽殿邦

樞府蓋籌多共仰一龍沛霖雨

故家遺澤遠佇看三鳳紹箕裘

李慶芳 率子法 法言

活孤寒百萬人救災偉績惟公自有千秋惠遠伴河深甘棠日暮留華北

親馨欬廿餘載生計遺編愧我未能一贊人亡又琴碎良木春邊壞嶺南

趙士北

經國有奇才身後大名垂宇宙

蓋棺應定論生平事業足千秋

鄧文藻

籌筆屬艱虞尊前借箸幕後披圖玉筮金騰功罪千秋如此日

櫻冠赴湯火生已忘家死猶戀國殘山騰水人天再劫是何年

輓

聯

繫朝局興替者二十年著節比清風粉署木天留本色
痛方輿淪失幾三萬里安邊思舊夢白山黑水有餘哀

黃浴沂
周志初

方培壽

小草煦三春永念大雲蔭垂庇
長松折千丈空瞻列宿仰英靈

任祖茶

流涕念恩私京雒衣冠成昨夢
痛心談黨錮平泉花木弔殘春

區國琛率子寵成孫家儉

栽植感隆情廿餘載休戚相關回首當年銘玉版
勛名留信史剎那間人天永隔傷心今日讀遺編

沈承俊率子亮

公享大名成大業

我爲斯世惜斯人

沈仲長

公曾砥柱中流哲人其萎大廈將傾濁世能獨清滄海桑田觀萬變

我亦邯鄲學步往蹟成塵浮生若夢高名應不朽文章事業已千秋

鍾振聲

公憂國難厥疾弗瘳一息繫苞桑賈長沙有云可痛哭者此病是也

昔握財權問心無愧流言遭惹於韓昌黎所謂動而得謗名亦隨之

吳傲

早歲接高賢壽世爭推功言德

深春纔小集過門感念去來今

色

卅

二十五

籌策多才冠冕羣倫推俊傑

周先覺

痼疾在抱彌留數語見仁賢

章載一

國之不幸長城壞

吾將安仰泰山頽

章祐

動關大局安危公自千秋當與河山壽今古

望斷蒼生霖雨天新一老空留絲竹譜榮衰

汪廷襄

經濟自堪垂不朽

平生愧未結深知

昔惟宏濟艱難蓋忱爲國
今共追思勳業公論在人

王雲五

膠濟鐵路委員會委員長葛光廷

委員 陸步熊 崔士傑
彭東源 陳延枚

掌度支總密勿措施見匡濟奇才路政力經營惟賢多勞在交通界尤標偉績
禦外侮息內爭統一足生平志願時艱殷挽救胡天不弔於國難中遽喪斯人

朱祖鈺

神通造化靈爲星辰公自有名垂不朽
存樹風猷沒著徽烈我因懷舊痛難忘

胡鴻猷

功業著人寰仰止東山霖雨重
英靈歸上界蒼茫申浦大星沈

免

第

二十六

助名事業久著塵寰磨劍賦雄心尚欲據鞍安宇內

吳在章

毀譽是非自甘木訥蓋棺有定論應留直筆在人間

方善濟
李光迪

經濟文章吏治人盡知名更看鄰國傾誠外海東西迎倒屣
科第家世功勛死猶不朽奈際狂瀾待挽大江南北痛騎箕

蔣筠

兄喪遲公纔三日先後聽哀音洒淚并傷知己

功高定論在千秋存亡關大局愴懷寧獨吾私

吳崇恩

身世歷滄桑溯當大局危疑創造共和資訓贊

聲名動朝野回憶昔年知遇愧無報稱答涓埃

親炙憶當年劉晏多謀經國獨籌興富策

周作民

勳名欽蓋世馮唐易老安危推屬濟時才

莊澤宣
撰述

免茶稅以興商業議關稅以塞漏卮曠世罕逢經濟大才還有幾

無身名成敗之心負國家安危之責蓋棺定論英雄偉抱類如斯

鄧嗣雄

山木痛傾頽天胡此醉

英雄造時勢民不能忘

陳介

長安似奕記曾橐筆相從救國具深心餘事文章猶筆筆

歇浦搃衣豈料駢箕不返遺言明素志一時毀譽任悠悠

譯竹
李廷初

身辭塵濁人有餘哀生前毀譽相參到此蓋棺知定論
手結財根家無厚積局內怨勞兼任問誰來國較公賢

屈映光子端同

風姿疑太素

德望擬文莊

張耀曾

裕民擅奇策

謀國多苦心

林彪

一代仰尊榮憶當年調鼎和羹青史允垂不世業
六旬綿福壽痛此日人亡國瘁遺言猶見濟時心

四海播清芬，碩畫夙遶當世譽。

吳鐵城

千秋留定論，苦心仍待後人評。

李大成
王孝英

桑梓典型傷老輩

史書功罪付公評

王世激

謝太傅雅量冠時流，雖信雖年終不起。

周僕射重名傾海內，猶疑鳳德未應衰。

吳子祥

經濟文章有藉藉，聲豈僅詞臣昭一代。

毀譽得失不斤斤，較非常勛績自千秋。

免

第

二十八

天不遺一老

方覺慧

人已足千秋

甘熾先

管夷吾以官山府海興邦實業導先河經緯萬端垂裕遠
費太傅因憂國憤時致疾靈光沈歎浦苔岑兩世愴懷深

盧興原

歷難鉅廿年身功蓋塵寰有開國勛勞匡時經濟
剛清明三月節神歸兜率極生前功德死後榮哀

張廣建

畢生文章經濟學術匡時中外重宏謀新國規模多蓋畫
最要路礦稅關贊襄至計滬江驚返駕台星隕墜愴英靈

施肇基

湖生平磊落英多卽論勛業恢宏直與李贊皇張江陵有光前史
讀遺作激昂慷慨忍看河山殘破正如祖士雅劉越石同此悲懷

張 裏

東閭舊平章自有千秋事功可紀

南州失冠冕是爲九州人物之哀

陳 郁

善政得民財千古經綸范少伯

遺詩傷國難一生忠愛陸劍南

鄭 弼

碩畫湖當年南北共和偉績永垂開國史

雄心摧暴日山河破碎同仇忍讀感懷詩

輓

聯

陳之碩

經世紆宏謀功在國家名滿寰區數文學侍從諸父執似公有幾
抱疴竟終古山頽泰岱仙遊蓬島歎老成凋謝誰與歸傷如之何

黃令民
王雲

才稱命世障狂瀾總揆多方勛業差同張太岳
淚洒江干留絕筆渡河未遂鄉關痛失魯靈光

鮑叟吳郁生

兩世結交深我愧歐蘇文字契

殘年傷逝易君如陳阮後先亡

黃孫世謀賢與甫秋流遠必赴聞余聞之愴然伯珩已去君復繼之此皆四十年前東華小友也同輩風流一時俱盡老淚已枯不能為君輸寫矣

董修甲

抱膝作長吟胸有千秋曠代奇才成絕響

腐心謀大計名揚萬國蓋棺定論付公評

顧 型

三水祀靈光失慟寧惟下走

萬方正多難從今孰挽狂瀾

孟錫珏

交誼萬年似我迂疏亦同氣

英靈弔三水如公宏毅更何人

梁仁傑

平生慕李文饒張太岳之爲人功業觀成只相伯仲

經國有利交通理財政諸建設賢能繼起尚此規隨

劉展超

齟齬當孝欽洪憲之秋歷艱危負疑謗每爲人所不能爲黜陟等閒觀耿耿血忱有

如數日

紹遺音

感激在故吏親交而外結肝膽推腹心知我實逾於生我憂勞終殉國茫茫塵海孰

張學文

青史炳千秋政治經綸久為環球推重

者宿弱一个文章道德永垂邦國典型

高可亭
黃孔山
李海山

為國家如此賢勞著有勛名若論照例酬庸功懋懋賞

隔音問候經寒暑傳來噩耗細問何時受病言人人殊

馮自由

謀國老成心至苦

理財能手世知名

甘作蕃

人中落落奇士無多追懷往事成叢麟筆千秋存柱下
海內洵洵真才先盡感歎故交如夢鶯花三月黯江南

范雅主
顏巖之

匡時雅抱奇才歎梁木忽頽空對風雲慚後死

救國未酬大志遽沈疴不起同揮涕淚哭先生

陳輝德

文章華國經濟安民回思冀北相逢二十年重荷垂青今日猶深知已感
天步方艱哲人又萎何意江南握別三千里遽傳噩耗當時媿負老成心

宋光第
游伯霖

文章事業彪炳千秋溯當年經濟宏敷中外早馳令譽
救國匡時聞萬里痛今日山河破碎東南又隕晨星

晚

解

三十一

曠代仰奇才記當年燕趙相逢抵掌縱談天下事
當春驚噩耗痛今日晨星遽隕招魂淒絕嶺南雲

張春帆

時局正艱屯救國同期天下士

歐倭國
車編詩

晨星已寥落吾鄉更失老成人

李直根
蔣惠先

一代仰奇才令譽早馳天下

三春遽長謝招魂何處江南

周星堂

今古儼成合撰

中外痛惜全材

漢口市商會主席陳經會

是人中傑是天下才論經濟文章無出其右
爲邦家光爲圭璋器有勛名事業皆足以傳

勞敬修

爲華夏開交通金椎築道成同軌

助國家富經濟玉府流泉樹遠模

交通部電政同人公益會理事長何家成

抱匡世奇才懋績豐功夙著英名播異域

懷救國宏願危言苦口長留明訓昭後人

嚴直方

經國多遠謀任教毀譽紛乘自有心光輝信史
救時鬱孤抱最痛攘安無措欲揮顛血灑江干

挽

聯

三十二

經國仰才猷平準書兼貨殖傳

邵元冲

哀時餘涕淚絕筆吟成遺恨詩

何成濬

勤學修用擬巍科鴻文一代推經濟

牽毀譽寧爲豪傑青史千秋有是非

夏斗寅

慕張太岳爲人尊主此民當年三水閒遊雅志願肩天下重

效劉士安行政明農裕國今日一流向盡論才尤覺世間稀

葛昌熙

以政治經濟領導羣倫勉企宏規公真不朽

當外患內憂震驚全國顧瞻頽廈吾將安歸

綜生平經濟宏通動關天下大計懿歟舊史勛名垂不朽
慨晚近版圖淪陷又摧江左夷吾傷矣新亭涕淚失斯人

葉薰

經濟負宏材力疾不忘家國難

陳策

儀型欽碩德心傷遽失老成人

許福炳

匡時投袂聞變停轅那堪國瘁人亡者宿遽傳西逝訊
長劍初磨新亭獨眺想見思深慮遠老懷寄感北行詩

吳光新

隔海念高賢晚客江皋同泊宅

生天仍敵愾神遊河朔見靈旗

晚

節

三十三

策杖西湖來病榻曾聞抗日語

姪婿鄒楚厚

結禱南海後歸舟驚看大星沉

嚴家熾

爲天下惜斯人平生勛業有公論

慨中原正多難一夕蒼茫隕大星

莫衡

天隕福星風悲月慘

人懷碩德山高水長

葛澧

經濟擅長才每當時局艱難君子應占如豹變

馳驅導先路幾輩後塵趨步老成凋謝屬龍顏

裔壽康

剛果綿密畢生慕李文饒張太岳之爲人其肆外閩中或優於往哲
經國理財泰半與楊平厲劉士安有同者而考終令德則遠不如公

陸家嘉

一老不慙違天意曾無厭亂日

萬方猶多難中朝又弱救時才

鍾鈺

聞望著中原勳業崇隆垂後世

精靈歸大化哀榮生死冠當今

鄧勉仁

舉世仰大名綜外交內政之全幹濟有才珍杞梓

新詩成絕筆以太岳文饒爲法斗山頓失痛葭莩

輓

聯

三十四

綜一生宦蹟功在邦家蓋棺方有定評毀譽當年非信史

朱毓珍

聽萬里邊城警傳烽火磨劍徒存虛願蒼生遺詠感新亭

許福晒

卅年宦績共式經綸晚從香海韜光三徑摩挲銷歲月

四海烽烟遽摧碩彥空仰興邦有策一言悲憫動人天

王廷璋

天漢迴槎時巨卿白馬來何晚

山陽聞笛意叔夜黃墟感最深

溫秉忠

理財專家又弱一个

老成遺教足炳千秋

關祖章

苦塊正居憂又驚傳木壞山頽迢遞申江不獲几筵親奠

燈檠曾秉訓共籌助攻夷禦侮淒涼甥館憶連杖履甫經年

丁乃揚

有唐劉晏才惜未竟其用

題郭林宗墓庶幾無愧辭

柏文蔚

經國遠謀思往哲

生芻一束薦招辭

黃平

盤根錯節始見奇才學畫萬端乘國才長圖建設

革故鼎新適逢厄運經權并用蓋棺論定重斯人

免

第

三十五

傅霖

後世誰能繼劉晏

當時才自重元康

愚弟譚學裴

與康南海同時歷遭滄海橫流白水盟心尸衆謗
斯謝東山再起豈意中途長逝蒼生墜淚望歸魂

愚弟吳忠信

西夏憚甲兵小范曩知樞密院

中郎遺著作孔融痛失老成人

王章祐

滄瀆一星沈自是英靈運大地

勳名千古在豈惟朋舊動哀思

黃永道
地咸鐫

痛長者竟拋塵壘而行木壞山頽又弱一個
有令子能紹箕裘之緒光前裕後可慰先靈

崔呈璋

勞在謀國功在阜生心力無窮躬已瘁
誠不沽名勇不避諍見聞雖淺感何深

宋春舫

百世待公評毀譽任人半天下

萬方正多難江山如此哭先生

周仰汶

數十年辛苦匡時生有自來撒手應歸兜率
六千里間關救國天胡此酷中途遽赴修文

輓

聯

千秋勳業絕世文章何期草長鶯飛盟耗鶯傳一洒淚

弱冠交情更聯姻誼愧比松喬護附典型遽失倍傷心

何廷楠率子

棟村
園松

陳作棟
對標

壯志老彌堅忍看華廈將傾奮起牽羅謀補綴
強鄰侵靡已未遂黃龍痛飲空留遺札動淒思

容啓文

勳業贊共和東寇方深正仗長才銷浩劫
行藏關國運北轅未遂忍令中道厄高賢

盛俊

勳業昭垂名聞中外

老成凋謝悲感天人

鮑宗漢

江右失斯人富國更無齊管仲

中原悲往事休神猶近楚春申

沈璘慶率子姪

彦侯 叔玉 昆三
道五 亞尼

國病危疑管仲子懷才嗟不用

人生憂患袁君山流涕豈徒然

劉朝望

文采是人知子重

安危須仗出羣才

陳興漢

彌留尚隕傷時淚

毀譽同傷命世才

免

隸

三十七

車
年
賀德霖

利國利民文章驚海內
任勞任怨事業在人間

宋子文

勛業一生留國史

淵源三水紹家聲

張元濟

名滿天下謗亦隨之今日蓋棺應定論
我相此邦無不潰止微聞易簧尚哀鳴

張翼鵬

慶雲在霄甘露被野

楚璠匿彩和璧韜光

姻惡弟郭乃安

二月杪滄瀆遠征據鞍矍鑠攬轡澄清方期元老壯猷衆志作千城治象譬如星拱北

西

卅年前荊州甫識贈紵交歡施羅載咏何意親知永好中流飄砥柱傷心空盼日沈

許崇灝

是文章鉅手是政治專家三十年望重華夷不朽勳名留汗簡

有救國雄心有籌邊偉略一兩旬魂飛滄瀆誰摩長劍斬樓蘭

潘崇衍

文章政績中外交稱救國具雄心尚欲一揮三尺劍

殲敵安邊智謀恭重扶危喪國士不堪再誦七言詩

陳其采

不因艱難困苦挫志不以榮辱毀譽撓懷能斷乃成自昔江陵稱太岳
久與世界朝野論文久爲天下人士屬望惟明克允祇今南海仰槐軒

居正

經國具宏謨數生前事業若外務若交通若財政規畫極精詳爲罪爲功蓋棺方足
昭公論

歎異才

遺書關至計從歿後蒐羅如文鈔如公牘如歌詩纂編留紀念或師或友攬筆應同

冒景璋

與文郎負笈同游習聞治譜心傳披簡冊年稽舊史
記靈椿摧柯失暘堪歎文章海內潯掖三復誦遺詩

謝冠生

勛名功業持萃一身是非自有定評霖雨東山著屐謝安猶繫望

經濟文章無分兩事舉措動關大計星辰上界騎箕傳說竟歸真

孫科

塞北挽艱危攬轡澄清餘壯志

海隅傷寂滅畢生毀譽有公評

張心濂

間氣式扶輿公門桃李乘時發

崇勛應食廟新亭涕淚痛人亡

張祖岱

經世仰宏謀碩學匡時早播勛名滿宇宙

履襟叨庇蔭讜言垂法驚傳噩耗感滄桑

余
黃麟
撰

經國之彥命世之英業復五銖錢勛績傳揚並諸葛

輓

聯

三十九

望重寰中名滿天下春歸三月暮潮聲嗚咽泣吳淞

徐廷瑚

文章經濟湖常年其才不可一世
事業功名傳後代斯人已足千秋

魯滌平

江左緬風流東山欲起謝安石

中原悲鼎沸北定關懷陸放翁

鄭天錫

救弊信宜先世論早欽經國略

退居終不起鄉人尤動輟春思

關霖

經國多才應念時艱前借箸

棲神何所遙知精氣上騎箕

陳樹人

港島數晤言始知卓識超羣佐治危時忍辱負重
京華聞噩耗值此強鄰入寇弔君憂國隱痛同深

齊耀琳

相期無負平生三世通家善處功名多勗我

自愧不如先達一心報國祇餘顛血倍哀君

鍾世銘

負經濟宏才勳名偕伊周並著

綜平生政績德業與天地同流

華南圭

經濟交通聲蜚中外

文章事業功耀古今

齊耀

城璠

生平慕文鏡太岳之為人當年大政方鍼功罪千秋無定論
游歷徧東亞西歐而覘國到處名流考鏡經營八表有宏圖

吳夢蘭

經濟科獲選冠軍學者仰之北斗泰山高海內
金融界夙稱師表先生去也杏花春雨黯江南

鮑貴卿

天故忌才誰能無慟

世方多難公曷云亡

倪道杰偕弟道

炳道素

擴民胞物與之懷固邦國本根垂死冰淵終在念

擅范蠡計然之策舒閭閻窮困幾經桑海重思公

勞之常

經濟裕長才利用厚生資矜式

策籌殲強寇忠魂義憤永昭垂

李士熙

劉晏理財洵能國計民生兼籌並顧

靈光圯殿祇令北燕南粵異地同悲

駸慶初

籌計賦於悉索凋敝之餘經濟萬言早仰文章驚海內

溯先世在知己感恩之列緣慳再侍愴看丹旒送鄉關

許文園

晏澆閱規長昭阜用

先

節

四十一

優伶令範永念暉猷

北寧鐵路局全體員工

霖雨繫蒼生八百南州人涕淚

扶輪垂大雅三千華表鶴歸來

張拱辰

齒德並推尊月旦有評慈惠常留眾口頌

斗山今安仰風流長往典型堪作後人師

勞勉

熱血灑江千痛一生經濟文章幾許見諸功業

大名垂宇宙歎千古英雄豪傑堪嗟恐懼流言

冀心堪

一代才華隨世界潮流而逝回憶馳驅國事宏濟艱難大業足千秋青史編摩重論

定

傷

十年縞紵溯平時，效吐猶新劇憐旅泊申江遠，聞但化浮生堪一慟，故交零落倍神

李文浩

平生於社會國家屢建嘉猷，數遺績在財政外交，巨擘首推救時彥。

身世之是非毀譽概付史論，溯舊游如西歐東亞同心痛失老成人。

曾毓雋

舊恨觸新愁，郵傳政潮同患難。

生離成死別，滄濱情話感滄桑。

愚弟李根源

正春雨江南，報道先生歸去也。

詠涼風天末，每懷君子意如何。

輓

聯

四十二

楊其觀率子道專

忝未衆人待我於私誼固極難忘勲業媿江陵功不居而謗不辭艱鉅長懷當軸日
夙以再起望公惜運會俄然遽轉澄清期孟博生爲英亦死爲傑彌留忍見蓋棺時

劉崇傑

毀譽但由人謀國惟知盡在我

文章本餘事著書深惜未成篇

愚弟屈永秋

鴻文碩學蔚儒宗才過古人不掩其德

赤膽忠肝籌國是謗滿天下無損於名

舊屬關賡麟

纓冠爲救難而來撞壞痛家居沒世長留猶視恨

定論在蓋棺之後令名傷積毀安危終惜濟時才

胡銘集

功在國家經濟文章俱未事
名垂宇宙日星河嶽景遺微

南桂馨

應變以智謀國以誠數十載忍辱赴功廊廟江湖無二致
理財有方交通有道六五年歸真返樸動名事業足千秋

周起鳳

南望失者英回思粉署木天故國滄桑渾似夢
此行留絕筆爲問山梅岸柳殘春時序總銷魂

年愚弟吳敬修

鄉試與尊翁共舉會試偕吾子同登闈苑早翱翔最難忘保安寺內三冰館鄰封事
聯銜聽河鑰

免

辨

四十三

一別判人天

先朝曾分任丞參新國獨屢膺艱鉅花之騰騰詠更休問滄海壘經卅年春夢舊京

趙慶華

勳在國益在民名垂宇宙

廣其源舒其用力任艱難

宋壽徽

至老弗衰竟死道塗終爲國

愛才若命無分門戶厥惟公

吳大業

潞國丰儀汾陽福澤

伊周事業韓柳文章

英國駐華公使藍普森參贊應歌蘭

家聲自昔蜚三水

足跡平生遍五洲

劉存厚

經濟幾人豪幹國公忠劉正宇

聲名滿天下籌邊慷慨李文饒

王慶祚

名與謗俱治績略同鄭子產

德爲才掩危時痛失管夷吾

黃篤滋

實業救國與公夙有同心正當蜚氣漫空奠安宇內資元老

忠憤辭家在我方謀聚首何意難形入夢慘報江干落大星

王禹勳

名蜚翰苑任重鈞衡粵嶠毓奇才後先輝映梁新會
創造交通權輿經濟滄瀆沉亢宿同光時失李合肥

舊屬林步隨

名高四海以李文鏡張太岳自方所嘆世變非常垂老未殫經國志
交近卅年如阮陳留庾杲之見待眼見黨流競進屏居真負愛才心

陳宗蕃

筭路藍縷公實開先親炙憶當年農帶猶懷羊叔子
貝錦菲羹世偏叢謗是非明此日雲霄共仰武鄉侯

潘拱樞

內憂外患時局藉危借箸正需才胡天不憖遺一老
經濟文章襄陽歌頌蓋棺有定論知公固無愧完人

吳鼎昌

有知己感深景仰心
終一生言論事功公
自大名傳不朽
丁垂暮年逢國難日
讀遺詩悲歌慷慨我
爲天下慟斯人

王樹常

慕李文饒張太岳之爲人
志業相衡欽仰蓋籌堪伯仲
有安國家禦外侮之雄略
文章不炫摩挲雪鬢憶英靈

蘇體仁

香江息影回首前勛經國
閱謨垂柱史
滄海遊踪睠懷邦難匡時
碩望付長流

水鈞韶

綜平生經濟文章豈獨交
通理財舉世堪稱樸樾
置一身毀譽榮辱惟知利
民福國千秋自有公評

徐寶森

負經濟宏才許世以身有功於國有功於民斯人卓著千秋業
綜生平政績大書其事或布在方或布在策此後留傳萬古名

周大文

宏羊卜式詎能方比

密勒亞丹瞠乎後焉

沈祚延

公本懷抱千秋深惜事功猶未竟

天不憖遺一老痛丁國難更何堪

魯穆庭

公沒猶存在天爲日星在地爲河嶽

我生憾晚深未見江漢高未見華嵩

河北省銀行

傅思貴
傅人龍

文章事業足千秋天不憖遺聽騎鯨西遊
蒼海橫流猶未已時方多艱何堪化鶴來歸

鄉晚吳希曾

文章經濟重當時生平閱歷艱難今日蓋棺看定論
兒女英雄皆幻影朋輩每懷馨袂西風落葉入哀吟

李欽

經世蘊聞談薄海猶殷霖雨望
瀕年遠架範遙天頓失斗山瞻

雲山散人江朝宗

雲階長空驚悉文星沉碧落
風淒大野頓教老友吊青冥

兄弟蔡紹基

功在安攘名滿寰區憶舊都綠野堂開猶見綵衣陪杖履

小隱近塵殷憂爲國誦絕筆新亭韻永並隨治績譜謳吟

年侍林世燾

同館得名流風采齊瞻張太岳

救時數良相孤寒爭哭李崖州

鄉晚生黃伯耀

持典顯奇才當日科名開經濟

蜚聲孚偉績畢生心血注交通

程遵堯

交通領袖財政專家如此粲粲大才美譽遠馳於英法德義

隱號名流任稱良吏太息匆匆長逝公論全憑乎工學紳商

鄉晚生鄭家榮

爲三水特出賢豪何時復起東山霖雨蒼生方企望
是九江再傳弟子未見化行南國中流砥柱忽傾頽

世愚弟周明泉率子幹材孫長
長

翊贊民國收回鐵路創辦銀行卽此蓋籌一身想見仔肩重
孝友處家忠實待人生產度世際茲多難萬里愴懷總角交

王弼

是一代經濟家謀國端資計然術

備九五冀鳴福亢宗猶幸仲謀賢

世愚妹
唐榮祚

桑梓式前型憶杖履追隨直節清標猶在望
達尊綿世澤悵老成凋謝名賢言行未終篇

謝景芳

功在國家可爲知者道

蓋棺定論難與俗人言

愚弟吳應科

偉業匡時勳隆一代

宏才經國名著千秋

愚晚余建勳

勛業足匡時偉績流輝傳盛譽

國家正多難遺詩齋恨到新亭

師愚弟梁 宓

財神受舉世譏嘲微聞身後着騷誰謂弘羊足烹殺

交系爲當時側目際此路網陵替追思洛社是耆英

萬福麟

其才似管夷吾卅載行藏爲國重
自許以張太岳千秋毀譽待公評

姓冠 蓮

吾族同哀生民永嘆

清暉忽渺盛德難忘

鄉惡姓 馮慶桂

輿頌滿瀛寰經緯功高宣五路

大名垂宇宙網維績懋贊中樞

惡姓 董時進

毀譽何足計

是非在我心

譚祖任

救國具精心到死未能完志願
籌邊方蒿目一瞑忍遂斷知聞

家慈弟 錦 漢

用行舍藏出處卅年關世運
忍辱負重毀譽千古有公評

年慈姪 尤乙照

經濟撥巍科策畫動關天下計
精神期上壽淒涼遽隕老人星

年世姪 陳同執

惟我公勳猷蓋世國人久沐殊施方期再起東山勿使蒼生辜渴望
與先君鄉會同年小子曾叨嘉惠此日遽聞西赴何堪黃浦弔歸魂

愚姪 德仲華
劉振清

民國數元勛經濟交通推巨擘

雲天沉德曜口碑遺愛在蒼生

慈姓黃 崙

爲共和元勳爲中樞柱石三十年帷幄運籌再度掌鈞衡經濟羣推老諸葛
痛外侮殘虐痛邊圉淪亡廿餘日憂憤成疾一身殉國難精誠不讓古萇弘

慈姓李伯來
俞萬年

勛業昭垂同欽元老

德星搖落莫挽醇風

危道豐

善讀平準書裕國能爲劉正字

常懷治安策憂時不讓賈長沙

鏡行馨

柱石鎮中邦
泰岱崔巍衆山小
英靈返天上
嶺雲黯淡大星沉

陳鑾

持科經濟老詞林
鑄財卅六洪爐死後是非蜀老猶能言葛相
泉路交期成永訣
悵望千秋灑淚生平風義伯牙轍響爲鍾期

侯景飛

揆席表公忠
慷慨當年經國論
滄濱沉福曜
蒼涼絕筆詠懷詩

愚弟
陳慶鈺

經國長規泉流不匿
歸神太素雨泣如頽

御覽
陳世華

新法樹先聲偉業豐功歌四政
定評留後日文章經濟足千秋

廣濟寺退居僧現明偕住持顯宗

望重斗山韓柳文章崇一代
名垂宇宙汾陽福澤獨千秋

周志鐘

望隆中外經濟匡時勛業炳千秋北斗高山彌景仰
學貫古今文章華國英靈昭百粵南天星隕備哀榮

愚弟閻錫山

惠晴亮采飢溺爲懷三冰鍾靈欽德望
奉法順流動勞在國萬方多難失瞻依

賈景德

負經濟宏才許國以身天不憖遺一老
綜生平偉業大名垂世公嘗含笑九泉

吳佩孚

肉薦甘爲張太岳

平裁猶憶李襄陵

兄弟
黃榮良

張江陵膺重寄致羣議驚疑孤月心明百歲神遊定何處
歐陽公有盛名爲後生描畫浮雲世變九重泉路盡交期

陳垣

地方靈氣鍾三水

天下清流忌半山

袁永廉

大丈夫何必人知毀譽本無憑問心了矣

天下事皆如夢幻是非安足計任運奚如

袁勵衡

平居憂天下事襟抱誰知獨餘同軌宏猷譽滿寰中山岳重

理財用讀書人典型猶在際此盍簪雅集傷心泥上斗星寒

湯國楨

材華卓犖經濟宏深蓋世勳名紆策畫

志節昭垂形神恒化救時願力感滄桑

李景銘

出處感恩私生平青眼如公屈指算來曾幾有

政治無善惡只此赤心爲國懷才未竟奈天何

任稚翹

略跡原心爲國爲家當共識

蓋棺定論見功見過不能誣

卷中 參秩嚴率子佐衡

蓬島記前塵曾步花碑天尺五

滄濱懸旅櫬待歸梓里路三千

俞人鳳

操計政得異邦美譽復路權樹中土先聲持天下鈞衡輕重誰如管仲父
在勝朝拔經濟持科達開國作帷幄記室綜生平志業彪炳應鄰趙魏公

卓定謀

臨事燭機未竟文饒籌國策

遺詩見志如聞宗澤渡河呼

卿既生 黃霄九

誰鑄黃金師范蠡

空從綠野想裴公

世惡姓 徐承煥

謀國之忠力行之勇歷盡艱困危疑卒成偉業數曾李而後實惟公耳
愛人以德修己以誠獨留亮節豐功溘然長逝嘆邦家如此其奈天何

後學 鄭文軒

共患難垂十三年海外憶追隨到而今木壞山頽天胡此醉
違音容計六七載心中傷聞別最可惜陸沉國瘁人之云亡

王約瑟

平生以李文饒張太岳自期事業助名堪垂後世
知己惟孫中山袁項城獨切是非毀譽痛有遺言

鄉惡姓 譚 懷

功德在人間實至名歸事業千秋懷太傅

英靈返天上山頽木壞心香一瓣燕南豐

施伯聲

閩苑著英華經濟文章垂後世

梓鄉傷老宿庭階蘭桂紹前徽

李宣侗

圖書曾共窺中秘

表亂何堪哭老成

愚弟袁超

湖善後共會一堂緬懷雅量英風徒使國人驚棟折

讀彌留經濟數語足見精忠毅魄長教故舊慟神歸

後學袁同禮

日下仰前型憶當年杖履追隨常挹謙光承教澤
嶺南綿世胄悵此際棟梁推折空留明德照人寰

受知館晚生 陳振先

大局至斯胡天不慙遺一老

浮生若夢如公自合有千秋

愚姓 黃 荃

知己豈能同並世

報恩惟是有忘言

愚姓 李榮芬

感逝川之無捨哀清暉之眇默

瞻棟宇而興慕撫身名而悼思

世愚姓 汪士元

經濟文章名傾中外

艱難憂患國悼耆英

冷家驥

龍隱海天人工國瘁

鶴歸華表山高水長

梁祐

與梁新會並駕齊名各有千秋宗譜被光榮無愧望同麟鳳
隨關蒼梧修文赴召相差一月交情共生死堪嗟歲在龍蛇

相惠姓
潘敬

此日蓋棺憑定論

他年修史有公評

恩弟
黃開文率子國忠

理財擅劉晏專家赤縣將沉安得斯人謀富庶
出處繫東山雅望蒼生失恃忍聞噩耗罷春歌

杭縣湯爾和

舉世目爲財神至貧老不能自存浮議原來難置信
當年促成讓國竟敗壞復將誰怨殷憂從古足傷人

蕭方駿

夷吾匡國子產惠民偉略自平生持世問誰兼善
新會文章番禺氣節同龔作香火獨公猶遠宏聲

慈姪劉炳恩

主持交系近三十年同欽南越奇才始信扶輪須大雅
執掌國鈞甫卅餘日方冀東山復起每懷調鼎痛耆英

慈弟胡惟德

賴

聯

國亂無權與世長訣

公歸不復告我永憂

杜宴

作交通經濟前驅大功在中國

置毀譽是非度外盛德足千秋

吳乃琛

經國未酬平素志

憂時頓羨老成人

麥仲華

事業已歸前輩錄

典型留與後人師

田步蟾

經濟昔開科使當時能竟其才天下事尚未可料
棋枰誰應劫到此日真成危局大丈夫何以生爲

李玉燾

才可挽危亂致昇平惜公道不偶時經國規模終寂寞
手幾拔單寒取荼富塊我器難勝使感息涕淚自縱橫

宋哲元

制用運精心馭遠駕長遺軌淒涼公實社

憂危騰沸血人亡邦瘁東芻悵往尉佗臺

左賦才

擅經濟而能文章全宇中歐共推此老
憤國難以促身殞大江南北同哭斯人

蕭杞枏

晚

聯

五十五

卅載荷裁成當年經濟文章允推巨擘

一朝驚永訣從此蒼生霖雨共歎斯人

湘鄂鐵路局局長屠慰曾

勳業燭華夷定論雅推經國彥

戰雲漫東北賦詩猶見據鞍雄

王寵佑

文章經濟樽俎折衝聲名揚溢環球數十年來饒偉績

風雨飄搖山梁頽壤盟耗驚傳粵漢三千里外動哀思

平漢鐵路車務處副處長金振勳

一老不遺溯公於國計民生規畫經營任勞怨

八荒同慨惜我處南轅北轍轉輸舉措失瞻依

平漢鐵路車務處辦事何開成

毀譽聽之人是非決之已似此襟懷自見聲華垂大地

京張仗公開平漢賴公贖忝居僚屬深叨庇蔭悵先河

平漢路車務處副處長梁永璋

國事正多艱方期再起東山中外具瞻文武憲

德儀洵足式詎意飯真歇浦鄉邦頓失老成型

世姪 吳國楨

劉晏度支文饒相業持籌盡國計民生半世事功傷貝錦

馬援嬰鏢廉頗據鞍薦食憤長蛇封豕衰年涕淚洒新亭

楊永泰

毀譽待公評一世真同張太岳

安危能自任千秋不愧范希文

世姪弟 林炳勳

饒

辭

五十六

出處關天下之安危久耳大名愧我緣慳難一面
才望爲華夷所推重傷心斯世問誰任重挽千鈞

門下年悉姓林梓浩

國方多難幹濟誰肩惟公能立德立功立言更作海外壯遊遍交世界名流匡時負
責

悲

天不憖遺老成頓失愧我附門誼年誼鄉誼怕讀壁間留翰敘述北平舊事傷逝增

河南省政府委員兼教育廳長齊真如

理財養民度支一代推劉晏

孤憤憂國寂寞三湘弔屈平

楊愛源

三百年特科冠倫繩奩伴食羨門雕蟲未能鑿空籌邊智周肆國

九萬里馳道同軌越裳不迷奇肱有作卽此砥平矢直功亦千秋

林蔚章

秉國仰宏規期月遽驚求退勇

據鞍留絕筆暮年猶惜壯心遠

樊宗澣

經濟邁寰區看信史他年紀載

聲名滿天下留先生百世哀榮

張葦村

總綰路政翊贊機樞毀譽不關情事業成功非偶爾

身居林泉心係廊廟邊塵猶未靖遺型眷念倍愴懷

陳公博

理財從古推桑孔

輓

聯

五十七

處事平生慕李張

胃廣生

龍性古難馴七字短章留絕筆

鶴傲誰續錄卅年往事付流波

陳立夫

事業功名身後是非都付與千秋青史

文章經濟生前佳話還留傳幾輩蒼生

李準

用之者急爲之者舒亟不號寒安得過

知幾月見罪我則隱象雖有齒不焚身

津海關監督韓麟生

熱淚洒新亭彼蒼胡不憇遺磨劍據鞍空有志

宏猷垂舊蹟使公竟其懷抱匡時致治果何難

羅惇夏

未老已還鄉謀斷昔聞關至計

彌留猶念國艱危今痛失斯人

衛挺生

回雁適停船聞說蓋善快遠略

弘羊非計利要憑綜覈挽頽綱

潘復

葦路苦經營看今日破碎河山誰向千秋論盛業

脩門餘涕淚使此老暮年佗係天教曠世失奇才

孫傳芳

慷慨萬言書於今滄海橫流邊樹都荒公亦老

免

節

五十八

淒涼十歲鶴重上新亭遠眺山梅無恙境全非

天津中國墾業銀行屠培成

天胡弗弔不憇於一老

人將安仰遺範足千秋

于學忠

負荀陳時譽儲桑孔良謀公望公才功罪是非奚足較

擅燕許文章裕宋姚幹略而今而後艱難匡濟更何人

瞿宣穎

謀國有深衷北府軍籌聞借箸

哀時凋急景西州馬策愴招魂

黃廷璿

奇才崛起位冠百僚本弘毅敏惠之懷與豪傑相翱翔必強吾國

運祚難知公胡一去痛烟塘涕養以往對粉榆而憑弔更哭先賢

朱寶仁

理財劉吳猶餘事

經國鍾繇有令名

楊世祐

記當日勛名看萬輩駘恭銘恩戴德

練生平政績載千秋青史震古烁今

新雲鵬 潘復 吳鼎昌 朱宣咸 沈化繁 潘子欣 許福炳 楊德森 崔星璋 區紹安 張萬章
孫心浩 汪士元 任鳳苞 董士恩 卜壽孫 陶淵 陳亦儒 王錦基 李維楚 孫思科

一代耆英歸上界

千秋冠冕式南州

孫董士恩

國事已如斯等是富貴浮雲人生夢幻

彼蒼安可問空使新亭淚洒易水聲淒

愚弟
新雲鵬

邦國待宏謨何遽雲霄歸鶴馭

老成留宿望每當風雨感雞鳴

愚弟
張壽齡

毀譽聽諸人孰過孰功今日蓋棺當定論

憂勞成嘔血爲民爲國知公屬續有餘悲

陳廷均

掌百揆藉宣仁政之和經濟文章以民生爲己任

後千載將有甘棠遺愛嶺南冀北更涕隕而悲來

天津市商會主席張仲元

入膺艱鉅出奠瘡痍經濟富長才舉世交推管仲父

早既利民晚猶憂國聲華昭異域享年尚欠謝東山

徐世昌

早具宏才收粵雅

獨傳遠量抗裏賢

愚弟 王揖唐

白榆豈得醫貧國

紅藕毋忘結滌緣

愚弟 吳毓麟

決策具神通數十年握政界商界大權經國才猷歸翰苑

騎箕應帝召千百載讀舊邦新邦歷史續絲供奉編宸區

齊 爲

窺文章政事經濟之全邦計樹前型北斗聲華垂異襪

免

解

六十

身
耳
遠蕭曹郭李范韓而上羣黎思去後東山絲竹亦千秋

是弟
蔡成勳

毀譽總悠悠偉略過人平日不談籌筆事
存亡殊岌岌隱憂在國暮年猶抱據鞍思

是小兄
唐紹儀

達果夙相知每念時艱先慟我

毀譽何足算就論才略亦驚人

羅翼羣

命世者英垂老不忘家國難

遭時板蕩痛心失此棟梁材

鄧澤如

世少完人三代下

死猶遺憾九州同

弟 區季謀

白首壯心違忍見新亭據鞍馬

千秋青史在長留偉績任平章

張君華

舉世仰長才不炫文章驚海內

萬方正多難空揮涕淚灑遼湯

卓觀芳

忠孝相傳後起自應能繼美

典型安仰先生何事遽歸真

黎 義

絲竹老東山更爲蒼生作霖雨

挽

聯

六十一

衣冠著南海空留丹旆照粉榆

陳濟棠

劉晏理財變通盡美

方叔元老克壯其猷

鄧家仁

公原經國奇才劇憐籌策未紓此事固應關劫運

我愧感恩知己獨恨命途多蹇當年獨爲惜焦桐

鄧家讓

溯當年總撥百僚爲憐阮藉窮途曾許散材參記室

讀北行感詠一作淒絕新亭涕淚祇餘長劍倚崆峒

鄧青陽

夙仰旋乾勛業經世才歎愴懷長白烽烟竟負雄心空按劍

嘗恨出處參商馳驅南北惆悵肆江風雨更無先達與同舟

梁嘉毅

總揆國務領袖交通仰兄經濟特長事業功勳萬古垂名真不朽
挽救邦家扶植鄉黨念我承恩獨厚深仁高義五中感德永難忘

李奉藻

豪傑本應運而興妙造因時大展政治經綸善用理財方略
壽考緣積德所致真修證果生享人間富貴歿爲天上神仙

鄧廣新

帝王思想不合潮流藥石語陳忠息影故園盟白水
國事憂勞易虧元氣葡萄糖失效傷心醫院棄紅塵

俞壽民

公材與鄰鄰齊名圖籍已全收民國告成數良相

免

葬

六十二

叔世效唐虞禪位邦基猶未固道山歸隱哭先生

陸殿英

房謀杜斷識英雄難回已去人心歸向山林作高隱
莽篡操姦相伯仲預悉未來帝制黨安磐石不言功

周鳳岐

齊家與治國相通訓子簡而明非工不食

安內視據外尤重待人忠且恕其方可欺

溫競生

讀遺詩無限低徊月旦待公評愛國苦哀人共諒

對哀訃不勝傷感風雲方劇變憂時皓首世長辭

高健德

富貴壽考協箕噶六五翁全受全歸爲國獨留評月旦

治亂興亡載遺史二十紀共榮共享如公可謂識潮流

林輝庭

雄關險失恢復待籌戈擬促陽揮力迴地軸謀殲日
滄海蹤停馳驅願效鞍纒思援據太息天心靳假年

三水公會董事

黨國著奇勳慨惜哲人其萎

家鄉留紀念因嗟故老云亡

廖壽堯 梁舜侶

文章經濟卓爾大家救國奮馳驅熱血一腔猶憶北行留絕筆
毀譽升沉付諸流水撫時增感喟傷心四月溘驚西逝動哀思

陶邵彬

與令弟爲編紵交尚想承鏡識荆流留十日

於亡兄亦同年友因知頤巢屬草各有千秋

金曾澄

磨劍起雄心試探遺稿新詩願血江千多慷慨

蓋棺應定論佇看名臣入傳吳頭楚尾總分明

歐陽祥

戊午參戰辛亥共和曲盡助勦克成厥績

毀譽由人是非在己苟利家國唯殫乃心

崔
春生
題命

一老不慙遺珍瘁堪爲邦國痛

萬方慨多難澄清誰作棟樑支

郭錦輝

爲民國建勳碩望昭崇萬古英名垂宇宙

聆滄江盟耗文星遽隕滿腔熱淚洒春申

沈濟生
張伯鸞

張子衡

五族共和深賴先生幹運

萬方多難更傷元老云亡

陸嗣曾

救國仗老成此日悲懷一謬士

匡時宏遠略當年曾上萬言書

何少坡

公也何須著述定千秋祇讀北上書詞想見庭謀提後進

天乎竟不憖遺予一老茲捧南來盟耗更爲國難哭先生

陳煥庭

玉樹已蕙龍福亦成田留遠蔭

芝蘭聯毓秀德堪爲佩仰儀型

張天驥

抱政治經濟軍事壯猷國難方殷正期再起謝公東北運籌殲暴日
建外交財政交通偉績全功未竟太息追踪岑帥西南耆宿更辰星

容子衡

全球風氣注重共和憶當年組閣宣猷可證大材孚衆望
廿紀潮流力推專制到此日蓋棺定論縱無公議定千秋

黃任強

文章經濟翊贊共和國體倏變更香島懷才甘養晦
外患內憂浪莽難靖謝公思復起申江蒙恙竟飛昇

負旋乾轉坤之才是歷史必傳人物

岑劍泉
陳孔覺

痛外患內憂之際失宗邦有數賢豪

劉秉綱

歷任各適其材洵優所學

既沒可祭於社當在斯人

何錦珩

劍履及申江髀肉坐生壯歆寧著遊山屐

櫬車歸肆水精神不死終古猶揮反日戈

崔耀明

能溫故能知新適應時宜翰院有才推此老

善守常善處變誰舒國難昊天不弔喪斯人

盧偉舟

據鞍磨劍顯血拚洒江干開卷讀遺詩魂返九京知有恨

色

節

六十五

經濟文章聲譽夙騰中外救時欽頌畫目空四海更誰傳

林竹賢

榮辱久相忘祇此謀國心殷一代盛名滿天下
是非奚足辯直到蓋棺論定千秋公道在人間

黃滌寰

遼瀋悵烽烟北望哀鴻恨事櫻心悲故國
河山餘涕淚東來胡馬時艱蒿目泣新亭

澳門寶誠銀行

蕭規曹隨指揮若定

房謀杜斷志氣如神

崔焯文

辭三水還三山望天上神仙負嶠方壺與蓬島

讀萬卷行萬里數寰中車轍倫敦紐約及巴黎

陀移社同人

耗盡一生心血祇爲國家比年花木平泉惜君未入陀移社
待掃半壁河山復歸華夏異日鏡歌歸里聯祭重捫太傅碑

余佩之

建樹足千秋半生宦海倦遊騰得勳名應不朽
識荆才一度十載嶺南在望重瞻道範竟無緣

表姪區竈錫

三十載培植恩深情懷倍切
廿餘日音容永隔山斗空瞻

馬復

早歲聲名動寥廓

一生功罪付陽秋

曾伯垣

翔步瀛洲昔掌紫誥黃麻共仰文章驚海內

夢殘歌浦遽報山頽木壞痛聞惡耗到天南

陳廉仲

深沈負重濟以天才毀譽弗榮懷吏治文章洵不世

黽勉投艱思援國難憂勞成痼疾大江南北失長城

傅家瑞

雖大用未竟才猷清議盡為諸葛惜

唯匡時不論毀譽苦心自有董狐知

朱介春
徐少眉

湯厚生

若論功勳中外同欽在經濟

追維政績婦孺猶識說交通

金軒文

遺句壯山河憂國竟傷宗留守

大名垂宇宙令人想見陸宣公

蘇塔區桐率另東

蜀茶伴東駕親情淒然丹旆南歸知君未盡生平願

雅箋貽詩驚絕筆悵甚新亭北望勗我寤忘一片心

溫德章

國事尚堪爲縱令宇內凋塘勞怨弗辭待起東山方攬轡

天心那可問竟隕人中麒麟依歸奚自愴懷梁木佩遺箴

佛山光華公司

舉毀譽是非得失絕不櫻懷嚴篤無私卓爾嶽峙淵渟每致名流嗟不及

歷經濟外務交通繼以組閣勩勞未艾哀哉人亡國瘁追思大老益悽其

張其淦

君有劉晏理財之方名滿寰區香海共瞻雲隱處

我吟宋玉招魂之句春歸蓬島申江倍感雨來時

凌瑜宸

功在國家可投大可遺艱事業似同司馬氏

名垂宇宙能忍辱能負重心期共證武鄉侯

林秩權

林秩權
招瑞時

大雅云亡綠水青山誰作主

哲人其萎落花啼鳥總傷神

程華燦

悵世事之無常白馬素車同灑淚

寬音容於何處青山碧海總傷情

黃希聲

玉樹惜長埋此日騎鯨遠去

粉榆知共仰何時化鶴歸來

劉廣俊

心鏡光明皎若玉壺藏白雪

襟懷瀟灑靜如秋月照寒潭

黃肇翔

噩耗忽傳來黃鶴乍騎辭俗世

靈魂須格享生芻致奠表微忱

黃昌榮

大雅云亡從此高山空仰止

朝

聯

老成凋謝不堪冷雨共淒其

宋見堂
陳蔚文
容安

一身繫天下安危惟公無愧

三鳳繼河東聲譽有子皆賢

黎實賢
黎子英

珠海溯奇勛國策文章應不朽

瓊霜凋老樹山梅岸柳孰關情

周子章
梁凌遠

時莫急於安危論到輔世長民應思大哲

事不拘夫成敗祇此文章經濟亦足千秋

曹受坤

無計挽籌安歸隱林泉符素志

有謀預參戰折衝尊俎見長材

梁海秋

五路肇首基平生不以文章著

卅年瘁精力到死猶懷開濟心

劉耀寰

齒德並尊崇何意大雅云亡撒手遽乘仙鶴去

典型空悵望太息老成凋謝傷心偏惹杜鵑啼

蔡守

剛果絲密綜事理之長毀譽付等閒是生平服膺李文饒張江陵得力處
勞頓憂傷遽奄忽而逝老成歎凋謝於國史合與周伯仁戚元敬以並傳

任元熙

梅柳悵春殘絕筆有詩傳載道

免

第

六十九

滄桑經世變長歌懷舊慨先民

譚勝梧

溯高賢恨未識荆條執稱名深景仰

與季弟誼同伐木苔岑結契繫謳思

李權亨

經濟界遽隕大星對珠江恨月愁烟招魂何處

老前輩又弱一個望歇浦遠山悠水熱淚遙揮

凌 驥

維我公聲震寰球昔年京國歸來老去猶懷膺狄志

與先父名登鄉榜曩日香江晉謁童時已遂識荆心

梁鴻楷

籌策竟多紆蘭成大有哀時語

據鞍方自若務觀空遺絕筆詩

謝卓如

宏濟歷時艱稍喜暮年營綠野

馳驅勤國事那堪春雨送丹旌

余漢謀

迭拜掌中樞過去勳名爲後人則

一朝嬰國難正資肩濟遽與世辭

程育圃

五路總財權青史長留不朽業

一朝騎箕尾白頭頓失老成人

黃叔均
建琛

氏族本梨洲自燭幾先前籌借箸

蕪城傷孝建更悲風急大道何言

高燕如

組內聞自負雄猷向來盡職關懷青史應傳經世略

由申江驚傳噩耗獨恨將行策畫蒼天不相濟時才

借科文

黃姑書
蔡公傳

名滿天下謗亦隨之帷幄屢參謀濟變苦衷惟獨喻

國家興亡匹夫有責纓冠同赴難渡河壯志竟無成

區濂

月旦待千秋忘毀譽且薄虛榮遺語感人如布帛

親交逾卅稔略勳業祇論私誼淒風吹淚遍葭葦

潘定祥

舊雨相親數廿年琴韻書聲空懷蓮社

大星遽隕合四海鴻儒碩望墜羊城

潘瓊

節驚梅雨星隕淞江天胡不弔

勳震華夷名垂宇宙公實長存

黃訪書
蔡公棟

辛丑撤兵辛亥弭兵成敗不失英雄借箸運籌任勞怨

經綸匡國經濟救國毀譽任從流俗蓋棺論定極榮哀

何萃

官同卿相施政惟厚民生三水大名垂宇宙

身在江湖挾策欲紓國難萬流追悼遍東南

李英泉

經國具奇才數生平偉績爛然應有令名光史乘

據鞍留壯語痛此會元良逝矣空揮熱淚向申江

蕭冠英

援助十九路軍旅邸授機宜一木難支空抱恨

收贖平漢鐵道金甌彌缺陷甘棠遺澤永流芳

黎勉堂 江梓垣
關傳衡 胡澤甫

長劍橫磨不炫文章驚海內

雕鞍未據祇餘顛血灑江干

關藻翔

蓄道德抱謙和佛學仙踪太息哲人歸一旦

展才猷匡時世衛民愛國應知榮譽播千秋

龍 益
盧寶書

經濟獨名時理財惜缺遺編頻年邦國縈心閉戶著書猶未暇

艱難同抗日赴熱尚思投袂北望風雲變色據鞍磨劍總辛酸

沈
和如

毀譽何常莫向輿評求定論

死生亦大概從國難失斯人

南方銀行鄧衍榮

鄧錫基
吳玉書

勳業在當時舉世是非何足算

阡危感今日一生經濟有誰如

張耀堂

懷世憤而遯踪海濱行藏切繫蒼生望

哀國難而來遊滬上存歿應留青史光

黎壽祺

前輩失耆英歷歷瓊林曾裕國

色

卅

七十二

朝

聯

端陽又風雨茫茫珠海望招魂

鄧慕韓

湖先子交遊尚存幾輩

數吾鄉者舊又弱一人

張昭芹

殖才以益國廣業以阜民弘濟艱難遠駕漢桓寬唐劉晏而上
毀譽聽諸人是非決諸己盱衡今古想見李文鏡張太岳其人

汪兆鏞率男祖澤

憂國深談忍憶卅年燕市月

招魂遠望寫哀三月江南春

李耀邦

新朝元老勝國遺勳經世仰英名萬里遠遊交哲嗣

一代通儒千秋計相理財資碩畫九邊多難失斯人

譚寶森 梁錦銘 崔仁風 麥沃旬
梁會宗 梁子光 簡 佳 歐陽康

先朝遺老民國元勳早知德望尊隆却有文章馳外域

東省哭亡熱河痛失遂使病疴沈劇更無柱石奠中原

王伯楨

興學記二十年前當時忝擁臯比矩矱親承北海屢開樽鄉校維持成往事

知名徧五大洲內此次薄遊淞滬經綸待展東山期再起蒼生屬望失斯人

馬從道

午夢惜將殘當時岸柳山梅頓成塵跡

新亭有餘淚此日據鞍磨劍徒具雄心

劉蔭蓀

表率百僚望隆鄉國

免

市

七十三

宣猷路政譽滿瀛寰

孔昭度

廿年前曾隻手具旋乾轉坤是真人傑

九江後能一身系文章經濟不愧師承

周明浦

于今忍讀遺詩霜鬢夢殘成讖語

垂老尚磨長劍暮年壯志仰聲名

凌驥

謀國具長才江左夷吾無愧色

吟懷傳壯語劍南詩老有雄心

何熾昌

度支夙抱長才祇今杼袖空虛舉國追思劉吏部

文采獨傾時彥太息平生蕭瑟暮年渾似庾蘭成

李思韓

曠代棟樑材當柄政時期不以謗言撓定見
持長經濟學考金融計畫幾留後進奉良謨

陳夢楚

致仕居海濱不辭萬里奔馳興亡負有匹夫責
大名滿天下猶念一生事業毀譽留待後人評

梁文伯 董略卿 孔梓材 溫孝生
關仲喬 溫玉書 區富文 洪子義 黎竹銘

噩夢滄濱潮期挽狂瀾堪嗟敵狡寇深壯懷拚灑圓顛血
驚心華北電孰支危局痛惜人亡國瘁遺識同悲絕筆詩

晚徐 洪

翰苑早知名最難中外咸欽政績昭彰傳後世

免

雜

七十四

道山今返旆正值國家多事生民痛恨失斯人

晚生 盧錫生

對策遼師王安石搗詞直擬汪彥章此老本能文惜哉不共功名顯

役民偏許楊阿糜執政輒稱曹吉利一編閒論史昔者曾聞見解超

姻愚弟 葉次舟

閒居香港接待光塵樽酒獨常爲我設

遙矚新亭追呼羣季詩篇聊藉見公心

陳炳崙

共事久京華馴而影息香江晨夕過從歡聚首

盤音來歇浦張甚勳高民國材猷未竟最愴懷

門下學生 羅廷選

發揚民族翊贊共和旋轉盡艱危千秋自有定論

叨沐春風枉期晚器瞻依倍惆悵寸衷慚負生平

晚許成章

北海樽空當年曾沐薰陶澤

亞丹學富曠代難逢經濟才

龍肇墀

羊石憶知交落落朋儕數當年粉署聯蹄黃扉總揆

鳳城曾小住茫茫時世痛此日紅羊歷劫白鶴何歸

鄧沃周

驟聞鼙鼓卽唱騷歌慷慨賦同仇正欽杜斷房謀公是中原真國士

伏處珠江忽驚噩耗邦家遭不造又值樓崩棟折我爲民族哭者英

朱樹枏

人憂上國艱難日

天表中朝舊輩流

江孔殷

心術長於手腕道德多於權謀惜乎天下才爲一人用
事業掩其文章聰明遜其魄力誠哉實行派非理論家

陳述

卅載溯交游往事昌華空感舊

千秋論勳業他年信史見公評

李懋勛

誰如劉晏精能籌策無遺國計艱難勞碩畫

自信馮援矍鑠據鞍可用海波糜沸動悲吟

陳遠峰

一身繫天下安危國計民生未了暮年心事

半壁嘆河山破碎遺氛赤燄最傷元老孤懷

鄧本達

文人蔚起家學相承棠棣正交輝伯氏吹壙胡遽輟
時事方殷懷才未遇澄清思郵治老成遺範幸猶存

張鏡垣

經濟文章鼎鼎大名垂宇宙

富貴壽考芒芒德曜隕春申

劉承暢

天竇少微星正當豚犬睽遠海外徒揮將伯淚
我丁所見世太息鳳麟蹭蹬滄濱遠觸故人情

馮啓韶

政績著燕京獨難晚節黃花遯跡香江娛歲月

免

排

七十六

夷氛橫薊北正倚中流砥柱驚心滄瀆幻風雲

黃恩榮

海外集名流拚擲頭顱同救國

生平多摯友感懷熱血諒知交

林慎田

三多惟兼備最難想當年頤養天和杖履優悠娛暮景

五福以考終爲殿慨此日遽登仙籍音容縹緲憶遺型

盧寶永

兩世紀羣交最難繼起英賢歐美文明同學步

大名中外著試茲當今人物經紛霖雨孰齊肩

盧寶書

門第重金張合郭令公之富貴壽考歐陽子之道德文章黨里咸稱長者

芝蘭盡王謝若范少伯之治產懋遷端木氏之蓄財居積闐闐共仰英才

黃元彬

當年對弈執紼今朝世事看來同一局

救國有心回天無力遺言讀罷鬱千哀

梁天祿

徇國著賢勞逝者如斯熱血竟隨流水去

畢生倡實業死而後已良模留與後人看

周菜柏

但知憂國憂民那堪壯志未酬心血頓埋黃土

休計知我罪我卽此金融調護汗青已顯芳名

梁澧仁

遠芝範僅一載而還平生爲國忘身淒絕哀音傳上海

免

辭

七十七

與先君有六同之雅今日因風回首記曾痛淚洒遼東

沈文興

挾策抗強鄰垂老不辭關塞遠

理財出餘緒盛名尤媿卜桑賢

黃子達

建交通偉業擅經濟長才一代推崇事實未湮青史在
力疾起東山英魂飛北塞九原可作國威重振赤心存

周鏡清

交情垂四十餘年載筮乘車相逢竟夕談風月

噩耗傳四月八夜山頽木壞傷心寄淚洒申江

鄭潤琴

財賦擅專門廿一省綜管度支偉績夙欽新幹濟

文章輝翰苑六五齡端居頤養清班羣仰老詞林

沈偉業

開國溯元勳二十年閭部憂勞今日蓋棺知定論

遭時正多難三千里滄波浩渺中流擊楫愴歸魂

汪君銳

四十年經濟無雙祇看職掌郵曹大有聲施造邦國

三百載勳名第一沉復望隆鈞軸儘多文采動星辰

潘斯鎰

仕宦並三登一代人才關大計

交情垂兩世送春時節悵歸魂

潘祖苗

天柱峰傾碩德長留竹帛

免

節

七十八

少微星隕哲人遽返蓬萊

廣和盛

公爲理財大家宇宙知名邁北斗

我誦哀時遺什鸞駉稅駕赴西河

勞亦杖

我公與家叔爲舊交後輩相往來久仰勳名昭日月

賢子及哲孫皆雋達先型能繼紹永留德業在瀛寰

陳燮坤

管子稱天下才卅載締交喬梓皆賢欽偉略

謝傳繫蒼生望一朝溘逝棟梁遽萎感斯文

陳正元

一手握全國財權四十年來潔已奉公論定蓋棺不失書生本色

關心在三邊外患六千里外擐冠披髮同仇敵愾無慚青史留名

王懷樂

福壽兼隆識者謂仁厚所報

典型宛在望之與神仙何殊

邵蔚明

滄江遠涉忽隕大星忍看破碎山河垂老尚思紓國難

香海樓遲屢承榮誨太息凋零者舊傷心豈獨感恩私

鄧伯璠

者舊溯貞元惟公砥柱中流有事滄濱遺恨去

邦家厄陽九顧彼嗷鴻遍野何人華北賑災來

羅文莊

大富貴亦壽考

免

神

七十九

造時勢惟英雄

司徒穎

藏富於國藏富於民數計相經紛前無古人復絕來者
名滿天下謗滿天下論平生志事憂勞責己功罪聽他

馬植樵

中華柱石粵嶠名家忽驚噩耗傳來珠海空懸千里望
遼瀋地亡平津事急獨惜丹誠不泯申江長作百年遊

林盈之

蓬島早蜚聲扶亂持危救國有心傷已矣
道山今返駕內憂外患繼公求治問何人

陳斯銳

國計從來在患貧富之曰能銘功左藏唐劉晏

世事至今誰能料，佳音已矣投老東山。晉謝安。

沈惠蓀

嘆我公當代豪雄，竟木壞山頽，幸有文章傳後世。
看賢裔于今蔚起，羨蘭芬桂馥，得成材器，振家聲。

梁廣謙

小別記香江，噩耗驚傳，愴懷忍話新華夢。
大名震海內，點金多術，平準長留太史書。

華南置業公司

曲江風度開府才華，清節比坡仙，春夢早知蕉鹿幻。
國難方殷，斯人已杳，大名齊葛亮，歸魂莫託杜鵑悲。

羅雪甫

香江把袂滬海傾樽，曾幾何時，化鶴千年成永訣。

免

第

八十

八表天昏一坏土淨不如歸去啼鵑三月似先知

李一非

公負棟樑材怕看如此江山忽然歸去

我懷松蕙誼恨未一瞻風采稍慰平生

爲公略述生平由詞臣而館閣掌度支與交通湖頻年政治舞臺恨未攝入鏡頭永
留紀念

足留芳

往事真同電影感者舊之凋零悵河山兮愴慟讀遺句據鞍磨劍卽此滿懷熱血已

陳漢

吾不如老農除却津浦嫩江媿復壺承甘雨施

公同仇暴敵未抵黃河黑水忍令遽覲大星沉

大新公司

惟公齒道爵俱尊出爲名宦處作純儒史冊應登耆舊傳
此日德功言不朽天不憖遺人將安仰鄉邦頓失老成人

上海銀行廣州分行同人

毅栗誠無閒然世亂難爲人國亂難爲官平生樸學湛深幹才宏遠經綸盈野相業
滿朝時有汙隆獨能羣疑不判庶績咸熙言行但從心太岳文鏡皆俯首

歐戰勛垂海內外若論壯歲上書老年赴難始終皆抗日合肥新會合同科

理財其餘事耳譽之者奚中毀之者奚當誰識密陳邊政面諫籌安議撤館兵工參

蔡
與同
鏡

徒望杜梁悲落月

同嗟魯殿失靈光

陳鉅里

免

卅

八十一

勳業早垂名老尚雄心直願據鞍臨絕塞
山河驚舉目獨深忠悃不禁揮淚向新亭

馮愿

天意難知興廢莫談前代事
我辰安在貧窮休論故人交

何少泉

匡濟著鴻猷數十年歷典機樞勞怨不辭毀譽不聞以此足觀公輔器
優遊安綠野一片心時懷家國廟堂憂進江湖憂退於今尚見古人風

何瑞芬

五十餘年相與交遊母蒙旌表子蒙吹噓三代恩情思往日
四月九日傳來噩耗泰山其頽哲人其萎滿腔血淚洒申江

區芳浦

引身政治當衝經歷崎嶇屢向艱危支大局
屈指人才有數感傷零落竊從籌運佩高賢

做 諧

東省誓存亡兄真盡瘁鞠躬死而後已

西堂悲涕淚我亦感恩知己生豈能忘

陳式民

經國仗宏才百劫滄桑草長鶯飛風雨招魂悲楚些

感時彈熱淚四郊烽燧笳聲鷓血淒涼作賦愴江南

冠 芳

譽望重瀛寰平生體國奉公論世幾人能共喻

襟懷切胞與廿載授餐適館報恩惟是有忘言

何 亮

輓

聯

大好經濟奇才如何天不憖遺淒絕殘春聞薤露
尚留據鞍壯句太息人兮已渺空令遠日耀遼陽

區

富文
君復

邊釁啓遼寧中國何不相司馬

恩私淪骨月肆江同此哭荊州

何博騫

憂時竟至嘔心數十年參政秉樞劇有因緣開世局
垂老尚思抗敵兩三月蓋籌偉畫空隨花絮踏江干

梁冠華

梁冠

萃

精誠報國無黨無偏四十年備極賢勞垂死尚期紓國難
孝友傳家有猷有守兩三月遽聞赴召後生何以繼家聲

馮璿乾

少同學壯同遊小兒又荷裁成兩代論文異地停雲常在念
外救國內救民我公是何勳業一朝永別申江流水太無情

廖朗如

振興國本扶植民生碩望合三尊猷策能開新世界
贊助戎機銷除敵寇怒遺傷一老誦詩知念舊河山

何任瑞

數千里靈耗驚傳良藥遍中西莫挽文星沉滄瀆
廿餘年元勛佐命大名垂宇宙偏歌薤露赴蓬萊

孔植園

東壁瑣文星才富中華遽赴仙班乘鶴馭
南園訪喬木雲迷滄海驚聞厄運值雞年

曾善新
梁東坤

國事問如何擊楫中流共仰先鞭雄願盼
壯懷嗟未遂征蓬長逝空餘遺範繫追思

張遠奉

救國心似馬文淵當年樽俎折衝允推人傑
生子才如劉越石此日箕裘克紹益慰英靈

梁展雲

瓊林馳譽曾魁經濟特科堪欽開國雄才曾冠百僚扶禹甸
閩苑歸真已過清明佳節回憶少年同學又嗟一个弱申江

林以和

登翰苑冠特科內政外交濟難肩鉅
翊共和總百揆先憂後樂生榮死哀

梁鑒孫

史筆有公評合教峴首長留鼎鼎大名垂宇宙
蓋棺憂國難可惜匈奴未滅悠悠遺恨在申江

梁致祥 梁致
廣雲

八千里外新亭淚

四十年前舊史官

楊日華
李仙根 王仁康

生平定讞過人當國事蜩蟬歆策幾回襄大計
垂老雄心未已值邊塵洶湧據鞍猶欲事長征

陳國熊

三水隕台星國難未紓思國老

兩家敦夙好私憂不獨感私恩

區 賚

朝

聯

政體本何常卽茲盡瘁鞠躬爲國此心今定論
勳名原不忝側見經綸滿腹救時良相古無慚

李碩裏

在國家爲良相在海內爲良儒出處懋勳猷史冊如公能有幾
論話別則一年論交情則兩世人琴今斷絕江潭剩我更何堪

杜益謙

逆氛甚熾戎幕方張謝傅忽出山蒼生竊慰
炎日正長大星遽隕庾亮雖望至人情不忘

馮景駘

經濟學宏闡才猷桑梓毓名賢粵嶠山川增潤色
藝文志待編著述蓬萊遶舊列申江風月滄招魂

吳大章

經國仰蕭曹一生心血盡爲消磨猶教敵愾同仇東望憤思顛血洒
修文繼顏卜三月春光都邊踏淡共嘆老成頓失北瞻徒悵斗光沉

杜棧承

國難正當臨恍聞易水悲歌大漢經猷資擘畫
師恩猶未報忽聽申江噩耗文星光彩痛韜藏

杜梅和

維公勛垂薊北望著嶺南支廈賴宏才何期國難方殷遽傾泰斗
愧我教奉金台訓承香島脩途成永別深痛流風忽墜頓隔門牆

陳少卿

慷慨痛陳詞如聞太傅千言策

淋漓驚絕筆爲賦新亭七絕詩

劉善

趙校

車
耳
膠船瀆水朽索馭駒危局如斯公溘逝
新亭據鞍羣季磨劍遺詩寄憤衆低徊

張福達
李錫周

經濟從學問中來謀國仗老成而今夷徼邊氛未了暮年心事
功業由艱難而立鞠躬盡勞瘁此日勳名德望永爲後世儀型

陳裕堅

早歲掇巍科經濟才名天下計
蓋謀關國運老成心事後人師

蔡爲珍

東望苦烽烟何堪午夢驚殘留別賦詩長劍同磨悲舊史
北行誓猿鶴遑計去途修阻挺身許國征鞍暫解泣新亭

德泰銀業公司

富貴壽考重以科名算海內知交多無此福
儒林文苑兼之經濟嘆粵中耆舊頓失斯人

何春帆

論道仰經綸驚魂返青楓風雨蕭蕭偏惹恨
理財敷國政悵神歸紫極河山黯黯倍傷神

黃袞華

親炙五十年仰學問事功足爲矜式
睽違三四載歎風流文采頓失瞻依

凌福文

尸祝徧寰球軌轍漫遊英美日
魂遙繞華表靈幃分奠滬平津

鄧霽如

清白著家聲父書少讀史職長膺雷雨奮經綸萬里鵬程欣得路
玄黃傷世變朝政南通官儀漢復星辰虛位置九天鳳詔促回車

黃星棠

公具槩材開國時負責調和成就新邦遊范蠡
寇欺我族赴滬日力謀抵抗支撐危局失宏羊

林筠庭

時代感愴桑亦揖讓亦征誅廿四朝歷史翻新解決得宜南族通藩權返漢
勛名垂簡策擅文章擅經濟六五翁遺詩別舊據鞍未遂滬濱遙望淚盈河

談劍豪

肄水歎鍾靈版登翰苑譽滿全球惜逢運會乘除進退兩難無可議
滬江勞致疾院入寶隆魄歸上界贏得身名安泰始終一致未嘗渝

伍嘉城

福禍榮辱不介胸懷平生慕張太岳李文鏡爲人任勞任怨
經濟交通有名中外治績與房玄齡杜如晦比美善斷善謀

林桂庭

開濟尚權奇四海再期司馬相

知交餘涕淚九原難報孝章書

李爵林

痛清政不綱與其分瓜剖豆毋寧執轂秉蒲專制易共和順應潮流仍載主
歎浮生若夢偶爾求父憂薪尚冀壽松健柏傷時終殉國逆遭陽厄遽登仙

鄧文藻

官家思想不合潮流乘時虎穴擒王或有真人興白水
上海淹留尚酣塵夢後日龍華浴佛喚醒行客熟黃梁

伍君望

新

聯

微尚亦高華遙望天半朱霞雲中白鶴

神來儻吟唱應在裴公綠野謝氏青山

傅德用

范文正以天下爲心記曾西域馳驅薄海咸推仲父略

謝太傅負蒼生之望太息東山遲暮邊關莫返魯陽戈

李泰初

南國紀先民事業一新前史例

東山思碩輔經綸未蕪出羣材

李揚敬

經濟擅長才記曾爲國宣勞翊贊中樞抒偉略

憂時能促壽看到臨終遺語低徊未劫鬱孤懷

鄧龍光

煊赫秉中樞功罪難論南返尚陳經國略

風雲滿邊塞清淡多誤北行空付斷腸吟

孔繼猷

詞林早達瀛海宣勞數十年施展良謀毀譽不存纖芥意

喬梓論交班荆念舊五千里驚傳噩耗感傷况在亂雜時

梁晉慈

偉業冠古今生而爲英死而爲靈南方間氣獨鍾經濟文章稱不朽

蓋籌關黨國先天下憂後天下樂一夕大星忽隕山陬海澨總銜哀

梁譽榮

四十年前庭訓與聞記曾風雨談心問一得三成往事

五千里外行旌甫駐詎料塵寰撒手人亡國瘁動哀思

永安紡織公司

強仕擬巍科品學優良載道口碑孚衆望
理財肩大任才猷丕煥千秋史冊著奇勳

世姪吳士彬

經國具雄才當年秉政樞機動名卓著
抗仇懷義憤垂暮長途跋涉心力空勞

何少英

經國顯奇猷錯節盤根真大器
臨終仍壯語據鞍磨劍見雄風

區哲生

絕筆紀雄吟經濟特長自有光榮書史策
新亭懷往昔交通垂範何堪寂滅痛人琴

梅頌平 梅魯之
梅煒唐 梅洋池

時局正艱難何堪一老不遺帆指大江星沉歇浦
門閭知鼎盛佇看諸郎繼起聲蜚嶺表譽遍瀛寰

甘介侯

總成國政不怠敦行樂才未盡也
寄意遺詩獨傷國難大名亦隨之

黎慶恩

一面惜緣慳心許却因同學第

千秋看論定謗深每在不羣才

楊日華
王仁康

程耀南

經濟擅專長幾許良謨足師法

謀猷持定見平生毅力秉天成

張慶堂
李思棟

兔

第

八十九

國事痛教和策誤

詩魂好向故鄉通

鄧彥華

抱負寄遺作新吟
垂暮奮雄心
救時令我思前輩
勛業著交通
財政蓋棺昭定論
經世如公有幾人

杜之杖

白髮臥滄江
得失淡忘賢者事

黑頭當相國
是非留待後人評

許壽仁

非種必鋤
矢志賢於王景略

才雄興歎
匡時痛失管夷吾

鍾榮光

服官數十年一心國計民生毀譽聽他人時至方知霖雨用
反正廿二稔四顧內憂外患安危關全局夜來忍見大星沉

鄺逸甫

斯人已著千秋業

此後留存萬古名

劉文豪

救國著吟哦慷慨悲歌雪鬢摩挲成絕筆

書勳留紀念表彰記載風標想像覽遺文

廖崇真

交通留偉績經濟冠羣英難忘劉晏籌時策

淞滬痛前車燕雲悲覆轍忍讀陸游絕筆詩

陳冠九

掌中樞負重任勞不以毀譽得失易志
當外侮紛乘交迫竟因憂憤疾病傷生

江雨羣

烽聲起邊城惟公志切澄清江統從戎當有策
人羣亡歇浦使我心滋傷悼子與裹飯再無聞

李尹桑

開國論元勳舊業何人明五路
新亭思顧盼歸魂應自繞三邊

宏輝 品三 少階
華基 藻堂 森泉

才猷邁贊皇太岳而上之功罪自饒青史在
風度視節庵任公無遜也沒存久繫族人思

裕安祥 黃錦泉

大雅云亡史冊徒茲增偉績

老成遽萎邦人何處仰高風

林雲陔

論南北和議斡旋協贊之苦心應分革命史中光榮一頁

溯清季籌辦鐵道銀行諸大計允推經濟學系研究專家

潘恩讓

得詞林美譽握天府財權早策奇勳舒衆望

近杖國高年定出山大計何期齋志負蒼生

勞偉夫

經濟冠羣倫際茲國事飄搖太息溫公拋獨樂

文章驚海內痛值邊氛搶攘不留申甫佐中興

梁銘忠

杖履十年我向海隅參末坐

旂常千載人從嶺表拜英靈

德懋勳隆豈待文章驚海內

人亡國瘁空勞戰伐策邊防

聲名官職一視銖塵濁世中足型多士

經濟文章兩稱卓絕青史上曾見幾人

閒按家乘派列孫枝恨附驥緣慳几杖久違成永訣

翔步木天夙隆公望想登龍譽重經猷未展負初心

江

伯旋
家藻

黃玉璫
李堂慶
輝天選
好百朋

桂孫

清泉

凌鴻勛

嶺雲珠海靈氣獨鍾三十年中外聲聞前輩典型空景仰
歌浦淞江大星遽隕二千里間關赴義老成凋謝倍悲思

黃立權

同話春明羣紀交情今尚在

感懷耆舊貞元朝士已無多

張子祥

四十年爲國劬勞讀絕筆遺詩無限新亭感泣

八千里棄官承養本趨庭素志永留青史勛名

溫良彝

離亂故宮花料當翹首東瞻風雨漂搖傷國難

淒涼春海月正擬挺身北上人琴縵渺付江流

晚生 屈劭宣

勲業在人寰彪炳史冊

題詞留卷帙光耀先芬

李忠

讀元結春陵行君多感慨

讀陸機歎逝賦我更淒涼

胡頌棠

指揮若定規劃裕如是蕭曹之流亞

好謀而成唯斷乃濟合房杜爲一人

黃光
祥雲

身歿志益明念當年力任鈞衡焜耀濟常功不朽

山頽木亦壞與令子交親硯席徘徊門館淚同傾

蘭集全人

山斗仰遺風高位登躋懋績永垂麟閣籍
屋梁悽落月雄心未已精魂長伴雁門關

黃啓明

經世仗宏猷艱鉅迭膺尤能榮辱渾忘令德應留循吏傳
返魂無妙術哲人其萎際此國家多難匡時莫備老成材

黃倫銖

富貴壽考備受榮哀祇今捧誦詩詞猶見雄心昭日月
忠孝循良永垂模範此後光承基業應留壯志炳山河

游誦盤

是救時良相亦經濟長材閱屢市愁嘆之聲理財妙策思劉晏
具世界眼光爲歷史人物誦新亭遠眺之句憂國深心似杜陵

楊善傳

幹略邁羣流何堪國難方殷遽騎箕尾

勳名著當世卽此典型尚在共仰斗山

馬伯年

唯公匡時碩彥經國元勳更頻年破浪乘風功業震全球任重遠儕張博望
在我久仰高山如瞻北斗痛此日騎鯨跨鶴交親同一哭時艱頓失管夷吾

林錫光
章梅年

秉軸無慚賢宰輔

蓋棺還是老書生

陳振南

鄉邦仰重望黨國著勳勞數十載施展良謀毀譽不存纖芥念
舊雨感生平淒風嗟此日五千里驚傳噩耗悲傷况在亂離時

高子明

謀國効忠在昔早推籌策裕

因時濟變從今應歎嗣音難

鄭 潤琦 道器 澤山

時勢顯英雄廿餘年變故迭更絕筆紀詩篇憂憤料應雙淚盡

盛名招衆謗十四次忠言密進避人焚諫草精誠唯有寸心知

陳棟朝

家學有來由蓬島早蜚聲百折不回自有勳勞傳後世

名醫無善術道山今返駕四方未定豈惟桑梓憶長材

林秉彝

其文章經濟並世無傳况兼郵枚侍從管葛勳名歸隱尚餘憂國淚

嘆老成典型於今已渺值此東北支離西南飄泊安危誰是出羣才

韋汝聰

改革肇初基碩畫蓋籌雲霄萬古

功名應不朽星飛月落風雨三秋

年冠弟
崔思哲

秉政在首開中國之鴻濛餘事擅理財開創大名垂宇宙

寫經以如見北碑相許與覆書同絕筆摩挲遺墨動哀思

鄧祥光

大雅云亡此日修文應召去

哲人其萎何時華表賦歸來

曹廷獻

玉樹惜長埋此日騎鯨遠去

粉榆知共仰何時化鶴歸來

林菊

大雅云亡猶聽鄉邦歌盛德
老成凋謝不堪風雨繫悲懷

謝昭杰

史冊應登耆舊傳

鄉閭頓失老成型

朱秉鈞

鄉會本屬同年羨君籌畫機樞永享大名垂宇宙
耆耄共登中壽愧我棲遲衡泌尚延殘喘閱滄桑

盧文苑
哲生

垂老赴江千祖遜中流遠擊楫
遺詩傳海內梁鴻憂國賸噫歌

陳善明

車
耳
暮年迭著殊勳早教宇宙垂名忽報仙遊歸極樂
瀛島若逢先烈爲道國家多難共應神佑切同仇

黃克勤

憶昔年同客美洲逆旅過從藥石拜嘉言後輩箴規猶在耳
痛此日招魂珠海京華回首國家正多難老成凋謝倍傷心

蔡柏森

三顧頻煩天下計

此身不見九州同

詹憲慈

舊夢醒春明未忘夜侍平台坐

銘旌濕江雨側想風寒綠野堂

王季子

魚崎舊侶昔陪謝傅遊踪好句贈滇行又唱驪歌索殘淚
寺認花之首座李公題字證果成詩識祇餘顏血洗江干

潘紹桓

破碎山河北望失人間麟鳳

飄搖風雨南方殞天上星辰

麥淙微

智識邁時流參戰功高列國名賢尊重望

詞華追往哲理財計善五洲輿論頌英才

陳啓輝

管子稱天下才挽中夏垂亡富裕經綸時會牽延功未竟

謝傅繫蒼生望悵東山不起聲沈絲竹者英漸盡感徧多

潘紹
鈞識

鏡

九十六

祇餘顛血不佞文章抱志據鞍胡撤手
經濟絕交長期抵抗空言救國倍傷心

潘元燿

哀思長繫交通界

文學曾居侍從班

梁如鏗

逸夏亦識溫公豈獨盛名動天下

祠堂空懷諸葛何堪隕涕哭吾宗

伍樹枏

文章經濟遠邁時賢一老不憚遺詩識至今悲歌浦
事業動名深期羣季卅年曾鍛鍊劍光應早射扶桑

程季沅

晚歲抱雄心方期柱石勳名更爲蒼生資保障
新詩成惡讖竟使葭莩空瞻寶相仰威儀

廣州銀行公會同人

耆舊嘆凋零憶當日賢勞理財偉略如劉晏
威名應不朽綜生平政策術圖良謀擬謝安

蘇鳴一

香江稻晦歇浦歸真談德業功勳大名千古
詞館標華特科聯秀合文章經濟吾粵一人

陳振飛

是南國耆英中華柱石
爲邦人矜式今世典型

謝仲明

時局正艱難方期戮力扶危貫澈公心救黨國
今朝聞噩耗太息英才遽謝豈爲我輩惜斯人

黎藻鑑

民生經濟資籌劃

國步艱難痛老成

李德輝
林藻坤

賢嗣昔同舟况三子齊名早仰鯉庭承義訓

中流方擊楫對萬方多難那堪魯殿失靈光

梁冠澄

謀國等蕭何相看樞府調羹旋轉乾坤昭偉績

渡江望王導太息新亭磨劍蒼茫山海付哀吟

呂敬如

是翁矍鑠正據雄鞍大事尚可爲老去情懷益豪邁
宗國艱難誰支危幕斯人今不作南中耆宿痛凋零

陳田釗

兩代著奇勳出處素爲當世重

一生持定見是非遂付後人評

黃謙益

才識早冠時青史昭垂一自蓋棺成定論

興亡知有責白頭感奮豈期拂袖便西歸

沈

起如
元臣

理財以專家名譽著中西邁劉晏

經濟膺特科選學通今古繼梁儲

李翰

經國著賢勞，歎毀譽聽之他人是非決之一已。
遺詩增感慨，知死生固不置念禍福亦不萦懷。

花果自治局

家國仰雄才，如外務如財政如交通勳業芳流千百世。
粉榆資碩畫若治安若衛生若水利遺思常切十三鄉。

周
心
如

琴樽北海濫廁芋吹念一門共託悵懔愧頻歲感思叩環未報。
霖雨東山忽驚雲散規摹季奮磨長劍問他年破敵折屐何人。

陳遠光

親科名任宦功業文章歷數前途心跡昭然足證春秋褒貶在。
經富貴貧賤患難夷狄處諸環境素行自得何妨叔季毀譽多。

楊仲理
馮啓和

時事正艱虞一代偉略宏才遺恨未遑舒國難
盛名多謗毀千古知人論世苦衷自要有公評

周伯威

少年早擬巍科值清運式微手挽狂瀾不甘胥溺
晚歲仍懷救國會榆關失陷身猶北上遽爾歸真

袁卓文

先生之道德文章豈僅楷模黨國

我輩仰泰山北斗從茲撒手人寰

陳佐銓

功烈在生民一代空餘閑濟手

邦家正多難匡時竟失老成人

劉守謙 容啓棠 李炳堂
吳永鈞 劉自真 鄭玉榮

九十九

免

第

鶴算六旬餘備經錯節盤根功業文章同不朽
鷓啼三月望遽痛崩榱折棟瀉濱嶺表各傷懷

黃旭初

前後四十年經國宏規皆不朽

縱橫九萬里異邦賢士盡知名

黎慶芬

登首揆長議壇祇爲時艱同救濟

調金融掌路政何曾私產益絲毫

曾彥

經世濟民遺大計

提綱挈領扶奇才

梁世紘

頓失老成型生榮死哀公不愧
况叨宗族誼懷崩棟折我何依

李品仙

薄海盡知名展布詎償陳茵願

中原空蒿目馳驅未竟據鞍心

劉進修

名滿天下身歸天上

昔聞其語今見其人

梁應時

避詔降坤寧海內猶傳燕許筆

遺書闡平準史官休謨孔桑才

周百燾

平生抱負實邁羣倫信粵海多才別有端明成濟社
往事籌安誰明真相問陳橋記績疇言學究是黃門

余佩之

建樹足千秋半生宦海倦遊勝得勳名應不朽

識荆纔一度十載嶺雲北望重瞻道範竟無緣

黃煥奎

聲疾渡河雄心不減宗留守

文堪驚世大筆常思許國公

慈姓
熊少康

詞章不匿文名永

政德無慚食報豐

梁培基

五福完人明公政德酬鶴算

一鄉名士哲嗣相承必象賢

前全國鐵路協會福建分會會長方紹康

文章之祖經濟之師影事話當年公以執鞭容賤子

日星在天河嶽在地哀音來隔海我爲酌酒哭先生

蒼梧梁詠笙

祖士雅投袂以興新亭肯泣河山異

林文忠憂時而死病榻應呼星斗南

蒼梧林子靖

北地總悲觀每讀遺吟傷破局

東山方再起空教熱血洒申江

愚弟 李濟深

專心任事素無言論之爭季世感才難何妨人玩其華我取其實
暮齒哀時竟以憂傷而死殘棋驚劫急奈此今歲不戰明歲不征

愚弟
徐景唐

曾聞翊贊共和尋來中國新途徑

誰與搜羅掌故記取東華舊史官

侍生

朱汝珍
李勉齋

芸誼列清班三十年前叨接武

松江傳噩耗二千里外愴招魂

世愚姪
潘恩愷

軍有五威名附鳳攀龍世獨斯人多責難

侯原千乘嗣騎其次尾昔從猶子見生平

侍生李翹森

存亡繫中國安危天心未許歸耕星隕半途悲葛相

經濟展醇儒抱負史筆將來推論勳高九合陋夷吾

世惡姓陳伯猷

共和創立帝政推翻多賴此老長謀胡不錫以長年完成大業

盟耗傳來四方傷悼幸得賢郎繼後惟願繩其祖武再造中華

世姓李永昌

經濟擅專長勞積病生策略無非天下計

國家正多難民窮財盡維持又少老成人

世惡姓許祖

憲制豈同情想公騎虎探蛇不諫得毋成往者

史評堪勿問此日人琴鄰笛歸來空慨賦魂兮

惡弟馮復莽率子應

生應

輓

聯

暮年動壯心原期杖策匡時記呼羣季磨長劍
隱憂傷國難願有知人論世能爲先生作誄文

王崇

海市訂深交方期前席咨詢滿座春風親樂

滄江傳噩耗太息典型凋謝一樓夜雨讀遺詩

晚生梁鴻勛

歿而可爲神方今自壞長城應有英魂來禦侮
天不遺一老此後將傾大厦更無梁木與扶危

姻世愚弟陳端甫

藉同黨里誼屬姻親三世久論交故舊料應如我少
寄寓香江近鄰仁宇早年尤密契衰遲猶及送公歸

世弟林其芳率男天禧

湖故交歷五十年如公經濟文章名垂不朽

驚噩耗傳數千里太息人亡國瘁涕隕難禁

世愚弟 江清華率男 後呂 勵孫 錫武

開鐵道掌金倉卅年勤勞待傳信史

飛黃鶩長綠草三月江南景色忽屬流塵

盧宗緝

望隆內閣綠野正娛情詎料遺老典型縹緲六驪登貝闕

星坼中臺黃燼方紀恨難羨傳家治譜聯麟三鳳集瓊枝

世愚姪 郭幼廷率男 慶增 慶鍾 慶深 慶芳 慶昂

如公功業能有幾人邇來為國奔馳憂世憂民同孔聖

在我姻親又弱一個此日登堂莫礙難兄難弟失元方

世姪 盧景芬

免

薛

一百零三

與先君道義之交往事難忘鄉土維桑資保障

憤敵國凶殘已甚隱憂成疾世臣喬木痛彫零

愚弟 林威臣

道其猶龍乎劍水雲橫嗟去渺

公今化鶴矣華亭月暗恨歸遲

侍生區大原

梁老前輩去風錫我七言聯有芸館兩家傳文章之句最後揮毫為之慨然

寶翰索冬餘芸館兩家聯語竟成獲麟筆

老成憂國事香江一別詩篇空想據鞍心

愚世姪 陳庶宗
庶發 庶枝

同鄉先達兩榜聲華蓄道德能文章海內共欽韓相國

樂土安居七旬將屆大富貴亦壽考人間乍失郭汾陽

愚弟黃約卿率男 權

成敗聽天毀譽聽人體國本公忠自信世間真史有
遺愛在心謀光在目居停懷舊誼仰觀空際斷雲留

愚弟黃省三

國步艱難淚灑中流亡砥柱

舊交零替魂歸滄海黯春光

世姪女李 惠

年前遇老丈閒居屢聞憂國雄談伏處尚鳴中夜劍
地下與先君相見爲道有家弱息貧妝未改嫁時衣

愚小弟楊漸達

公親家卽我親家記曾暢敘汾陽論世有言猶在耳
昔民國與今民國就此感懷遼左憤時成疾遽捐軀

免

第

一百零四

當壯歲奮翼共和南北久推崇偉績永垂近世史

及暮年關心國難中西羣景仰嘉謀痛失老成人

細小弟 程學濬 學堂 學演

弟 黃少逸

君纔過謝傅中年歎絲竹飄零揮淚難懸季子劍

我本是鍾期舊侶痛知音搖落傷心欲碎伯牙琴

悉世姓 辛子善

元聖富國管子理財遺策在救時易資猶勞天下計

蕭相轉漕留侯借箸英雄齊墜淚鞠躬長瘁老臣心

悉弟 周 而字 雁字

功業不勝書隱香島旅申江憂國憂民成痼疾

音容雖已渺脫凡塵登上界為仙為佛渡羣生

為弟葉若孫

我乏彥昇才調舊學相知難忘佳日宴游臺下翩翩題稿處

公思馬援勳名壯心未已忽歎台星沈隕江南黯黯落花時

館侍生岑光樾

千里望歸舟恨絕滄波傷逝者

片言聞屬續留將月旦付時人

為弟鍾熾南率男學能

勝清膺顯貴民國論英雄溯當時展布宏才公死自知無缺憾

處世抱雍容心田滋福澤痛此日驚聞噩耗友生感舊有餘悲

世姪陸

兆祺 鏡祥 鏡祥

經國理財聲聞四海

匡時濟變志齋九泉

免

第

一百零五

三水商工務局同人

勳銘彝鼎名滿寰區彼蒼者天竟不憖遺一老

義薄雲霄惠周桑梓當今之世寧能再見斯人

弟李星衢

宦海嘆浮沉舍仕途報實業辦銀行惠眾澤羣名垂天下

人生如朝露承旨召赴瑤京歸佛國功圓行滿位正仙班

門生李耀漢

世運方屯太息雲雷摧謝墅

典型尚在却悲風雪冷程門

愚弟翟汪

文章經濟獨冠時流當年正笏垂紳已共仰利國福民之業

慷慨悲歌登逢喪亂此日嘔心泣血猶頻呼渡河殺敵之聲

爲經濟政治大家方期策獻漢中救國匡時紓偉略
處內憂外患危局詎料耗傳滬上素車白馬弔歸魂

安然說
馮景山

愚弟
陳汝南

有文饒治世之才毀譽由人不炫文章驚海內
抱宗澤渡河之志英靈衛國祇餘心血灑江干

邑人
蔡湘喬

身騎箕尾歸天上
氣壯軍心復國仇

愚世姪
周瑞祥

撒手塵寰堪悲壯志未酬贏得當年卜式
傷心泉壤却惜神醫罔效恨無再世華陀

邑

第

一百零六

年家眷侍生賴際熙

詞垣居晚輩鄉舉屬齊年粉署久追隨獲式典型編國乘
冠蓋歷瀛寰文章驚海內瓊樓遽歸去尚留訓誨泐書堂

姻晚李海東

者宿聚香江得隨東壁西園頻侍典型聆雅訓

文星沈滄瀆從此泰山北斗空留光燄照鄉邦

世恩姪潘向欣

出處繫天下安危諸葛一生惟謹慎

風度爲鄉邦潛式曲江千古仰襟期

表姪潘迺循率子應溱孫卓
登輝 登

勳望照人寰聞國政濟時艱劍屨紛馳惟丈夫不終戶牖

仁親及母族撫今情追昔款屋烏垂愛忝戚末難報涓埃

卷八 黎端宸

經濟湖當年房杜有才原不忝

圖危思此日蕭曾無命恨何如

世系弟 林生五率子祖訓

先天下而憂屬纊尚談平治事

問我公何往愴懷痛賦大招辭

晚生 何筱垣

具王佐才欲通變遠權違恤悠悠毀譽

作人倫冠冕聞詩知禮休論草草功名

弟 潘紹祥率子嘉良

財政交通留偉績

雲山江水哭先生

卷

第

一百零七

游 澧

功業足千秋漢室蕭曹唐家房杜

忠誠留一片維持國計憐念民生

愚弟

譚碧山 潘曉初
羅玉堂 姚梓川

以詞短俊望抱經濟通才况更借箸運籌共和選精告成寰海仰遺風事業文章應

不朽

堪悲

為在野者英赴同仇急難當此賦詩明志憂憤實由觀感泥濘俾盟耗私情公誼總

愚弟

何學棧 姚錦澤
鍾錫蕃 芳慶林

何堪與國竟侵凌悵當時感賦新詩慷慨激昂揮熱血

方切同仇先瀆逆願奉享奮磨長劍縱橫掃盡寇英魂

鄉愚弟 周思京

盛會溯龍山着謝公屐執祖生鞭當年立馬峯巔看夕照蒼茫爲余言反日揮戈意
雄且傑

愴而悲

閒居論時局地折西南天傾東北此際奔馳滬上痛中原板蕩遽大呼渡河繫楫聲

相惠弟 關和鈞

姑勿論新舊潮流可登廟廊之選卽爲河嶽之英公本全才不愧當年稱巨擘
剛過去清明時節既遭棠棣之悲又抱葭葦之痛我原多恨卻從何處賦招魂

相惠弟 何廷芳率子國 樞仁

爲國恤奔走靡寧何期雲黯申江當易箒彌留不忘渡河喚宗澤
惟先生勳名卓著此日風淒嶠嶺想靈輓過處自多空卷哭萊公

相惠弟 何廷楠率男國 松樸

拚將血灑江千誦春日新詩猶有悲歌元老在

色

序

一百零八

太息師翔河上搜去年遺札長留幽憤故人知

悉姓陳曾琪

昔年綵舞盛構巽廣座屢陪孔文舉

一代江山餘涕淚新亭驚失管夷吾

馬敏朝

理財則有守有為常使府庫實倉廩充撫亂世瘡痍未病民生稱聚斂

治術本見仁見智祇見謀國忠事上敬論方人叔季正從黨錮著賢良

香港廣東銀行

李煜堂 關樹宗 黎金發 阮曉繁
陸道山 陳季海 李由堂

本學術為事功毀譽胥捐滄上彌留家國慮

歎長才傷短馭逍遙遽返嶺南痛失棟樑才

世姪

王蘭青 王蘭偉 王蘭耀 王蘭海
王蘭基 王蘭楨 王蘭榮

治世才高政海夙稱雄聲譽永留資景仰

老成望重諸天驚返馭典型猶在失瞻依

在制世姓余仕榮

大豪傑不計毀譽三十餘年爲國殫心最痛遺稿未成山頽滬上
舊史官祇留吟咏四月九日傷時撒手自愧誅文拙作酒奠堂前

鄧晚生劉德甫

長劍羣磨國難未紓元老喪

香江一別鄉情永訣海天愁

鄧後學禰紹隆

功業無負生平總鐵路握金融世譽錢神共仰經綸宏濟衆
文章自有聲價冠特科列翰院才高北斗豈徒後學哭斯文

附記

避清慈禧太后 旬萬毒學選前坡書院山長以恭紀命題時公以孝廉應課文數千言有言新學典
見前呈列第一至今傳誦

鄧晚生鄧文藻

爲蒼生屬望投袂北來暴日切僭亡江干灑血成詩識
記赤柱道經授餐作餞大星忽驚墜海內傷心失國賢

年愚弟 黎國廉

生思保赤完天職

死尚呼蒼作國殤

韓賓禮

國事正殷憂方期再起東山力挽天河兵氣洗
老成忽凋謝忍令望窮黃浦心傷春月大星沉

旅閩廣東公學

董生

舍忍爲高須知鐵鉞旂常早無定價
歎歎不已太息文章經濟又失長才

福州廣東會館董事會

辛亥言和乙卯主戰謀國其亦忠乎值茲塞外烽煙滄海橫流悲砥柱
文章立身經濟致用匡時固有道也偏送滄中靈耗珠江潮湧賦歸魂

劉景堂

悲哉遺言留得世間公論在

黯然一別怕看海上片帆歸

關鶴舫

舉目盡危機離香海赴申江欲挽狂瀾天不假年成恨事
填胸惟熱血據鞍鏖磨長劍追思詩句人雖作古具雄心

鄭曉
杜燿垣

距先生村舍七八里而遙方期鱗壤安瀾功德在人徒切慕
與令弟交遊四十年之久替感雁行弔影老成謀國更誰歸

麥
環華

免

節

一百十

憂國老成謀出處由來關世變

蓋棺今日論功名自古與心違

袁榮叟

平生經濟繫全國交通毀譽總由人
淞水遺書成不朽

東北河山是誰家壁壘戰和誰決策
新亭餘淚哭先生

世惡姓譚炳炎

中天下而立但求民族有功治亦進
亂亦進

仗匹夫之義痛惜哲人其萎抵徒云
抗徒云

弟鄭炳忠

國政邦交中外並推千乘績

室譽塗毀是非早決個人心

區叔穎

把酒話茶山方幸識荆親集範
據鞍吟滬瀆那堪絕筆賦新詩

黃 寒

政體幾更新尚有規模資法守
人言不足恤猶留清白付公評

年又姓曾舜琴率子廣瑩

特科鴻博通才顯

正氣瀟沉舉國哀

弟沈鍾祥

異時倒屣嶺南遊潞國相期不獨經綸雄赤縣
垂老乘桴滄海去匈奴未滅翻教詩識痛黃墟

晚生黃宏業

溯當年經濟特科試策萬言名首列
歎今日國家多難傷懷鄉哲淚重揮

梁漢超

最難得偉譽著兩朝中明明德在
不能集大謬於一身者非非常人

晚生王頌獻

憶曩年負笈幽燕杖履追隨小草幸承沾溉澤
痛此日招魂香島遺容憑弔中原遽隕治平材

弟李佐臣

文章經術冠絕時曹當茲國難方殷帷幄正期肩鉅任
廉潔精明邁超流俗詎意勳勞未竟滄濱驚報大星沉

陳廉伯

忝居交末方切離憂萬里痛星沉經濟文章千古式
翼贊共和名垂悼史此行紓國難是非功罪百年知

字愚菴梁弼子

爲宗族矜式迺國家棟樑丁茲赤焰日深正賴長者維持力撐危局
擢經濟巍科任內閣總理方慰蒼生渴望詎料哲人溘逝魂滯申江

翁桂清

一生儘足付公評獨誰遺集細摩省識荆川謀國意
垂老尚思爲世用偏恨征鞍纒據便聞宗澤渡河聲

世姓劉德譜

曾以一肩擔重任

空期隻手挽狂瀾

大新公司

蔡興
蔡昌

劍空寶匣龍應化

雲鎖丹山鳳不來

門下士 陳增榮

燕孫總理北上赴國難中道歿于滬余既弔以詩復擬為文中其未盡之意值久病不能成一辭茲值香港紳商擬建公祭餘懷思澤悲痛之極謹擬斯聯以誌悼忱不自知泣不成聲也

知我於干戈戎馬之中頭白未成名簡拔空汙蕭相疏

如公為經濟文章所掩功高猶齋志淒涼怕過武侯廬

蒼梧嚴式鏐

其生也榮其死也哀合有典型垂後世

入水不濡入火不熱自能堅白息流言

晚生 陳恭受

京華鍛翮香島潛踪多難痛頻年魯將不國

岡州文學肆江政事論才在今日秦竟無人

晚范漢傑

仰經邦令譽小民載德鄰國問安借香港楚駐崇旌頻年降貴下交相與琴樽欽北
海

山

讀赴滬感吟公尚據鞍我當擊楫與羣季共磨長劍異日飛馳報捷有誰展齒折東

弟黃廣田

陳樹銘
李佐臣

一老不愁遺故國漸傷喬木少

三春傳噩耗高山空仰典型存

愚弟雷蔭蓀

投袂着鞭先爲國爲民壯志未酬空按劍

蓋棺方論定成仁成義至情畢露在遺詩

蒼梧尹紹文

晚

第

一百十三

老夫猶有雄心悵望燕雲熱血滿腔奔國難
異地驚聞噩耗感懷雅範遺詩四韻了塵緣

蒼梧梁 彙

文章事業卓冠朋儕救國抱雄心攬轡哀吟將北上
外侮內訌飽經憂患匡時需善策拂衣齋志遽西歸

世愚性 黃 駢

命世有奇英定策籌猷共信民生同利賴
經邦此卓彥忘勞任謗纔知身後有公評

鹿大崗西約警衛後備隊同人

功業炳千秋夙仰經濟奇才參戎樞密
勳名垂宇宙誰使滿酋遜位真定河山

南三兩屬覘亮六圍同人

推翻專制翊贊共和辛亥數奇勳公真如諸葛運籌留侯謀畫
捍衛全園簽題鉅疑乙年懷往澤衆惟有平原絲繡范蠡鑄金

姻如弟 陳秩元

毀譽聽諸他人權衡操諸一己自遜清以臻民國呂端大事鎮靜從容即今論定蓋
棺六十五年當瞑目

佛四月九日最傷心

宗族稱其孝友桑梓挹其敬恭瞻滄上而誦遺言賈誼哀辭縈紆鬱悶此後節經浴

角里陳光裕堂得唐等

爲愛國以全忠知公未竟英雄淚

由詞林而總揆同里難亡矩範思

姪念琦

三十年化雨陰中分屬及門誼仍猶子自愧鶴頑不舞慵逐乘軒惟冀耄期倦勤尚

得隨話桑麻勸族內未完心事

與清除草莽應我輩後死仔肩

百六日禁煙節罷夢殘午院血灑春江那堪鴟毀方曉又傷破斧繼此艱貞蒙難相

岡頭林族嘉顯堂

爲國竟捐生四海耗聞應拭淚

同鄉皆託庇三民義激達平權

鶴邑坡山房啓承堂紳耆等

累代著功勳毀何辱譽何榮哀此東土淪亡國難當前易簣猶呼抗暴日

一生垂道範言可法行可表詎料西方返駕音容已渺撫輓惟有仰高風

合義堂宗人

舉族失儀型天胡不弔

大名垂宇宙公實長存

滄海痛星沉定論蓋棺褒貶自存尼父筆
遼陽悲地割老成憂國英靈莫返魯陽戈

蓮村

蘇世德堂 李孝睦堂 黃廣相堂
蘇敬愛堂 周光裕堂

新生下堡梁慎遠堂

國難未寧正仗出奇制勝鼓其餘勇滅此朝食以定邦基豈料噩耗傳來遽乘黃鶴
鄉閭重望咸邀教養兼施整理經營平息內爭而維自治誰知昊天不弔嗟我哲人

年惡姓 桂銘敬

香海憶追陪棋局曾親賢太傅
天涯驚噩耗詩篇留付小斜川